

文德實錄

自七至八


149  
40  
9

東泉圖書

冊	號	架	函	屬	類
11	96	9	11		



明治十八年七月四日 文部省交付



日本文德天皇實錄卷第七 起齊衡二年正月盡十二月

大臣正二位臣藤原朝臣基經等奉 勅撰

壬午春正月 帝不御大極殿以雪後泥深仍停朝賀勅

公卿賜宴侍臣如常○戊子 帝御南殿覽青馬宴群臣如常儀

加三品賀陽親王二品從三位藤原朝臣良相橘朝臣岑繼等正

三位正四位下伴宿祢善男從三位從四位下藤原朝臣貞守從

四位上從四位上正躬王正四位下无位輔世王從四位下從四

位下楠野王從四位上從五位下豐井王從五位上无位連快王

正六位上清名王等從五位下從四位下清原真人岑成從四位

上正五位下菅原朝臣是善在原朝臣行平藤原朝臣仲統等從

四位下從五位上高階真人岑緒源朝臣興等正五位下從五位

下藤原朝臣宗善藤原朝臣菅雄春日臣雄繼小野朝臣貞樹橘

朝臣敷雄紀朝臣有常藤原朝臣良繩等從五位上外從五位下



善世宿祢豐永上毛野朝臣綱主正六位上源朝臣謹藤原朝臣  
忠宗藤原朝臣常行安倍朝臣良行藤原朝臣興邦坂上大宿祢  
當道藤原朝臣數守橘朝臣時茂藤原朝臣弘道藤原朝臣良尚  
橘朝臣良枝紀朝臣弘岑北野朝臣春枝小野朝臣國梁縣大養  
大宿祢貞守等從五位下滋岳朝臣川人村主宮雄御船宿祢佐  
世家原連氏雄卜部雄貞等外從五位下○己丑加從四位下源  
朝臣全姬正四位下授无位藤原朝臣連子大中臣朝臣安子等  
從五位上正六位上紀朝臣金子无位當麻真人繼子等從五位下  
○壬辰授无位良岑朝臣親子從五位下○丙申中納言正三位  
安倍朝臣安仁為陸奥出羽按察使民部卿如故參議從四位上  
源朝臣多為越前權守從五位下橘朝臣三夏為山城守藤原朝  
臣良尚為大和介右近衛少將如故縣大養大宿祢貞守為和泉  
守從五位上藤原朝臣宗善為尾張守外從五位下菅野朝臣第

門為介從五位下菅原朝臣河道為參河介紀朝臣弘岑為遠江  
守伴宿祢安道為權介清原真人清海為駿河權守從五位上春  
枝王為下總守從五位下源朝臣舒為美濃權介橘朝臣安吉雄  
為上野介文室朝臣道世為下野權介鎮守將軍如故從四位下  
藤原朝臣衛為加賀守勘解由長官如故從五位下藤原朝臣諸  
葛為權介從五位上豐井王為能登守外從五位下壹志宿祢吉  
野為越後權介從四位下茂世王為丹波守從五位上坂上大宿  
祢貞守為權介左近衛少將如故從四位下左原朝臣行平為曰  
播守從五位下讚岐朝臣高作為伯耆守外從五位下安原宿祢  
岳為出雲介從四位下藤原朝臣仲統為備前守外從五位下蕃  
良朝臣豐持為介從五位上紀朝臣益雄為備中守清原真人秋  
雄為權介右近衛少將如故從五位下長岑宿祢秀名為備後守  
從四位上藤原朝臣輔嗣為阿波守源朝臣勤為伊豫守右近衛



中將如故從五位下藤原朝臣良世爲介右近衛佐如故正四位  
下正躬王爲大宰大貳從五位下藤原朝臣興邦爲筑前介仲嗣  
王爲肥前守正五位下高階真人峯緒爲肥後守從五位下大原真  
人真室爲介藤原朝臣友永爲豐前守石川朝臣宗繼爲豐後守  
藤原朝臣穎基爲日向守從五位上紀朝臣有常爲左近衛少將  
讚岐介如故清原真人秋雄從五位下藤原朝臣良尚等爲右近  
衛少將安倍朝臣貞行爲左衛門權佐藤原朝臣常行爲右衛門  
佐坂上大宿祢當道爲權佐藤原朝臣基經爲左兵衛佐陸奧國  
奏曰與地俘囚等彼此接刃殺傷同種事須警備以防非常仍且  
免發援兵二千人許之○戊戌 帝停觀大射勅公卿就豐樂殿  
下命諸衛府次射○壬寅以伊勢國阿耶賀神預於名神 帝御  
新成殿內宴命樂賦詩皆如常儀○癸卯 帝御新成殿以觀賭射  
以前日傳也時京師多盜掠奪人物有詔搜起自官中及於京中

前山城守從五位下藤原朝臣松影卒松影刑部少輔從五位下  
星雄之子也爲父嚴正鬚眉如畫起家補內舍人累遷天長四年  
爲式部大丞時東宮僚屬妙選名流松影風望著聞遷爲春宮少  
進還復式部大丞時當朝會嗟哉皇子源朝臣常緣勅帶劔式部  
誥以未知詔旨不聽皇子愧報而歸以 故天皇赫怒貶黜式部  
官人左轉松影爲彈正少忠彈正九年彈正永和元年爲唐使判官兼山  
城權介松影以母老固辭再三請許之三年復爲式部大丞出爲  
丹波介後復爲式部大丞十一年春授從五位下歷左少弁中務治  
部兩省少輔出雲山城兩國守病卒時年五十七松影四入式部  
閑練故事其進退容儀得於天性今到吏部者皆推松影爲楷模  
焉○丙午伊勢國阿耶賀神丹波國大虫神並加從四位下○戊  
申陸奧國飛驒奏請加發援兵二千人勅曰夫邊要之寄安危所  
繫慎微慮萌理固且然但時臨農要人競耕稼而多動士衆遠行



屯戍恐懷惠役之嗟終之如歸之志九用兵之道未必貴多苟奮其功一以當千宜便簡拔近城兵一千人和誘其心精練其武能守衡要以備機急又知騷擾之由發於飢困故賜賑給折租一萬斛事須不論民停務加優恤開以恩惠慰其窮窟○己酉加陸奧國石椅神從四位下大判事兼明法博士倫後介從五位下伴宿祢宗卒宗本姓伴良由連後改為律宿祢宗出自外國少入大學專心法門習讀律令始為大宰明法博士兼和八年還為右少史十一年正月轉為右大史十二年六月轉為左大史十四年正月叙外從五位下嘉祥元年二月為勘解由次官五月遷為大判事二年二月兼為明法博士三年正月叙從五位下仁壽四年二月兼為備後介卒時年六十四○二月癸丑以陸奧國永倉神列於官社有長星出於東地○癸亥倫中國言吉備津彥名明神庫內鈴鏡一夜三鳴○乙丑從四位下輔世王為侍從五位下文室真人真

文為大舍人頭外從五位下讚岐朝臣永直為明法博士從五位下大宅朝臣年雄為散位頭從五位上藤原朝臣常永為治部大輔外從五位下御輔朝臣永道為大判事明法博士如故從五位上嶋江王為大膳大夫從五位下藤原朝臣直道為木工頭正峯王為正親正從四位上正行王為彈正大弼正五位下豐前王為左京權大夫大和守如故從四位下藤原朝臣良仁為大夫中宮亮如故正四位下長峯宿祢高名右京權大夫兼為山城權守外從五位下大神朝臣虎主為備後介侍醫如故○丁卯詔右大臣正二位兼左近衛大將藤原朝臣良房參議從三位兼行中宮大夫讚岐守伴宿祢善男從四位下行刑部大輔春澄朝臣善繩正六位上行少外記安野宿祢豐道等修國史○戊辰請一百僧於大極殿轉讀大般若經○辛未讀般若訖僧年七十已上及法師位已上者賜度者各一人其年六十已上帶法師者兼加一階滿



位者唯授一階○三月壬辰散位從四位上道野王卒道野王者  
 大宰帥二品賀陽親王第一子也淫於酒色頗解絲竹然性甚謹  
 厚未曾傲慢天長九年叙從四位下承和三年拜武藏守仁壽二  
 年叙從四位上病卒○丙申大風雨○乙巳制大和國檢非違使  
 正六位上伊勢朝臣諸繼預把笏諸國檢非違使把笏始於此人  
 ○丙午從五位下藤原朝臣興邦為筑前權守○夏四月己酉朔賜  
 飲侍臣如常儀○庚戌地震○乙卯遣使者向備中國奉幣言備  
 津彥名神○戊午禁私養鷹鷄是月寒殞霜記災也○閏月乙酉  
 從五位下和朝臣豐永為上總介清瀧朝臣藤根為下總守散位  
 從四位下清峯朝臣門總卒門總左京人也達練世俗無他才學  
 嵯峨天皇殊錄息舊權為左衛門少尉弘仁十二年正月叙外從  
 五位下四月除上野介十三年遷為右馬助天長十年叙從五位  
 下兼和三年四月出為長門守四年二月為典藥頭八年正月拜

備後守九月為縫殿頭十二年正月叙從四位下隱居難波病卒  
 時年七十四○壬辰有狐晝見命近狀馳走週御前 帝射而獲  
 之○癸巳大雨水○丁酉分美濃國多藝武義兩郡為多藝后津武  
 義群上凡四郡遣使者賑給相模國飢民○辛丑遣使者向丹生  
 川上雨師神社奉幣馬請止淫雨○丙午大宰府馳驛言日向守  
 從五位下嗣峯王發兵將殺推討使正五位下田口朝臣房富有  
 司奏讞詔免官爵是月左右馬寮御馬疫死殆盡○五月辛亥詔  
 能登國氣多大神宮寺置常住僧聽度三人永々不絶○壬子停  
 騎射走馬之觀不御武德殿蓋據御馬多斃也詔越前國氣比大  
 神御子神宮寺置常住僧聽度五人心願住者亦五人九一十僧  
 永々不絶○癸丑大宰大貳正躬王將赴任詣關拜辭殊賜息錢  
 絲竹問卷○丁巳地震○戊午地亦震○癸亥加賀國分寺置布  
 薩戒本田二町○丁卯加筑後國高良王垂名神位田四町○庚



午東大寺奏言毗盧舍那大佛頭自落在地○六月戊寅朔日有  
蝕之詔以安祥寺預於定額施稻一千束以充燈油○癸未震建  
禮門前柳樹○甲申遣參議左大弁兼左近衛中將從四位上藤  
原朝臣氏宗東大寺見大佛頭墮落之狀○戊子帝不御神嘉  
殿所司奉祭如常儀○戊戌地震從五位下伊統宿祢福代為園  
池正藤原朝臣弘道為出羽守○癸卯從四位下雄風王卒雄風  
贈一品萬多親王第四子也為人沈敏弱冠入學帝在東宮時引  
為侍者頗習鷹馬踐祚之日授從四位下除左馬頭補次侍從給  
事殿中進退閑雅性素寬裕卒官時年卅二帝甚愍悼之○壬寅  
地震○秋七月丁未朔紀伊守從五位下紀朝臣真高獻甘露○  
戊申遣參議宮內卿從四位上源朝臣多安藝守從四位上清原  
真人龍雄等向佐保山陵策云天皇恐年恐年掛畏支佐保陵  
奉賜止部奏御願天止之奉造理給倍東大寺乃盧舍那佛時代久經

禮太自然尔毀損天去五月廿三日乎以天類落給倍今御願能  
破尔倍依天奉造固天止今毛畏山陵能御本願尔願給天相助  
護給尔依天佛毛平尔奉造固利天下毛平天可在止之天參議  
宮內卿從四位上源朝臣多安藝守從四位上清原真人龍雄等  
差使尔恐年恐年奉賜止奏○丙寅大宰府傳進入唐留李僧  
圓載上表○壬申地震以紀伊國天手力男神預於宮社○戊寅  
從三位百濟王勝義堯勝義從四位下元忠之孫從五位下玄風  
之子也少游大李頗習文章大同元年二月為大李少允四年二  
月為右京少進弘仁七年二月叙從五位下十年二月為左衛門  
佐十一年正月兼為相模介十二年十月叙從五位上十三年三  
月遷為但馬守天長四年正月兼為美作守叙正五位下六年二  
月叙從四位下為右京大夫十年十一月遷為左衛門督承和四  
年正月兼相模守六月為宮內卿六年二月叙從三位年老致仕



閑居河內國讚良郡山畔頗使鷹犬以為養病之資卒時年七十  
六○八月丁丑地震○戊寅地亦震○甲申下總守從五位下清  
瀧朝臣藤根上總介和朝臣豐永等並授從五位上○丙戌兵庫  
中鼓自鳴○己丑散位從四位下當世王卒當世二品大宰師仲  
野主第四子也天性羸弱惡當風雨頗好鷹犬不敢出遊○辛卯  
散位從五位下村主宮雄右大史正六位上河原連貞雄等改姓  
廣階宿祢主計頭兼卒博士外從五位下家原連氏主主稅助外  
從五位下氏雄左大史正六位上繩雄右近衛醫師正七位上善  
宗等賜姓宿祢○癸己式部卿仲野親王家令正七位下宇自可  
臣武雄改姓笠朝臣○丁酉中務卿時康親王家令從六位下忍  
海上連淨永改姓朝野宿祢○己亥從五位下源朝臣直為侍從  
從五位上藤原朝臣冬緒為肥後守○辛丑地震長門國言牛產  
憤一身兩頭○九月壬子遣少納言從五位下利見王向八幡大

菩薩策白天皇我詔旨止掛畏岐八幡大菩薩乃廣前尔恐尔恐  
申給尔止申久東大寺乃盧舍那佛波佐保天皇御世尔大菩薩  
乎知識尔奉唱天奉造給尔而乎時代又經尔自然尔毀損尔去  
五月廿三日乎以天類落給尔太今本志乃破尔依尔天奉造固  
無止今尔今尔亦大菩薩乃相助介護賜尔依尔天佛毛平尔奉固  
利天下毛平安久在尔故是以少納言從五位下利見王乎差使  
天字豆乃太幣帛乎命捧持天奉出尔恐尔恐尔申賜尔止申別辭  
天申久太宰府申久前尔勞利繕尔賜尔不宮波去閏四月尔作利  
畢尔止申尔須此乎聞食悅賜尔奈尔天悅太幣帛乎命副捧天奉出賜尔不  
掛畏支大菩薩如故尔安穩尔静尔坐尔天皇乎常磐尔堅磐尔  
夜守利日守尔利護給尔矜賜尔止尔恐尔恐尔申賜尔止申○癸丑以園  
神韓神列於名神是夕東宮有狼害夕明且有射殺○乙卯重  
陽節也帝御南殿賜宴侍臣命樂賦詩如常也是夜地震○丙



辰地亦震○丁巳大雨○癸亥無品安勅內親王薨桓武天皇第  
十三女母從四位上藤原朝臣大繼之女從四位下河子也○甲  
子散位從五位上嶋田朝臣清田卒清田者正六位上村作之子  
也少入學略涉經史奉文章生試遂及科第後為大學少屬遷為  
大宰少典還為內藏少屬弘仁十四年改臣姓為朝臣天長元年  
為少外記三年兼為勘解由判官四年轉為大外記兼為下野權  
掾天長六年正月叙從五位下兼和二年為宮內少輔四年遷為  
治部少輔六年九月出為伊賀守仁壽元年十一月叙從五位上  
卒時年七十七○乙丑地震○丙寅地亦震○己巳僧正長訓大  
師卒長訓俗姓錦氏近江國滋賀郡人也師事少僧都玄憐延曆  
年中受具足戒後於大極殿說寂勝王經應問而答能發疑蒼稍  
轉仁壽三年為僧正卒時年八十二長訓自少至長固持毗尼推  
已及物博愛為先白黑至今稱其慈悲○癸酉授正六位上紀朝

臣夏井從五位下藤原朝臣峯主為左少辨紀朝臣夏井為右少  
辨橘朝臣高宗為土佐守○甲戌以伊豆國大興寺預於定額為  
海印寺別院大興寺者孝子大郎富賀滿為國家所建也修理東  
大寺大佛司檢校傳燈修行賢大法師位真如大納言正三位兼  
行右近衛大將藤原朝臣良相等奏言謹案去天平勝寶四年勅  
書俾朕發菩薩大願奉造盧舍那佛廣及法界知識夫有天下之  
富者朕也有天下之勢者朕也以此富勢造彼尊像事也易成心  
也難至恐從有勞人預無能感諸知識者發至誠心各人招福且  
每日三拜盧舍那佛自當存念各造盧舍那佛像如更有人願持  
一枝花一合土造像者勿禁句障同進百姓催命加造者即知先  
皇本願以一切人來為善知識欲共其福利不專於一己而今佛  
大佛已為大破修理所須殆及新造業佛所說莊嚴佛事修理舊  
物所得功德勝於新造而獨用官物以充給恐乖弘濟之本願望



請命天下人不論一文錢一合米隨力多少以得加進又一切神祇不望功德勝利者蓋寡矣故先皇始自八幡大神以為善知識賴其冥助果被大願若諸神祇望預件功德者命所司隨其所願辨送料物然則先皇大願始終不違人神福利古今如一勅許之於是命郡國以米及輕貨等遣使運送○乙亥晦地震○冬十月丙子朔賜飲待臣如常○戊寅地震○丙戌夫人從三位藤原朝臣緒夏薨夫人贈左大臣從一位內麻呂之女也弘仁元年十一月叙從五位上三年正月叙從四位下立為夫人六年七月叙從三位薨後贈正二位○癸己山崎津頭失火延燒三百餘家○甲午復出羽國百姓困窮者萬九千餘口○十一月癸丑筑前國奏言上座郡太領外從七位上前田臣市成理郡年久善政日聞百姓同聲謂之不煩請假外從五位下積効為真從之○庚申地震乙丑從五位下藤原朝臣近主為常陸介○丁卯 帝不御神嘉

殿所司奉祭如常儀○戊辰 帝御南殿賜宴群臣一如常○十二月丙子朔大炊寮大八嶋竈神齊火武主比命庭火皇神並授從五位下○丁亥地震○癸己禮佛懺悔○辛丑中務少輔從五位下興峯王賜姓清原真人

日本文德天皇實錄卷第七



日本文德天皇實錄卷第八 起齋衙三年正月盡天安元年正月

右大臣正二位臣藤原朝臣基經等奉

勅撰

三年春正月 乙巳朔停朝賀以陰雨也 帝御南殿賜宴侍臣  
如舊唯不作音樂○丁未皇太子朝見○辛未 帝御南殿觀青  
馬賜宴群臣如常儀授從四位下基兄王從四位上无位棟貞王從  
四位下從五位下利見王從五位上正六位下末良王清田王等  
從五位下正四位下源朝臣寬正四位上從四位下清原真人長  
田從四位上從五位下藤原朝臣近主紀朝臣道茂百濟王安宗  
橘朝臣常蔭在原朝臣善淵安倍朝臣貞行等從五位上外從五位下  
大神朝臣虎主滋善宿祢宗人山田連春城山口忌寸西成正六  
位上又賀朝臣三常源朝臣巳藤原朝臣貞亮橘朝臣茂生藤  
原朝臣家宗安倍朝臣房上藤原朝臣三直藤原朝臣大瀧橘朝  
臣高繼安倍朝臣私良紀朝臣春枝等從五位下正六位上安野



宿祢豐道秦宿祢永原笠朝臣名高九子連家繼坂合部宿祢人  
吉等外從五位下○壬子无位藤原朝臣佐太伴宿祢枝子等授  
從五位下○乙卯東宮獻一御杖諸衛府獻邠杖如常○丙辰從  
五位上藤原朝臣良繩為右中弁內藏助春宮亮播磨介如故從  
五位上大江朝臣音人為左少辨春宮學士如故從五位下高橋  
朝臣淨野為內膳奉膳正四位下長岑宿祢高名為山城守右京  
權大夫如故從五位下山田宿祢文雄為河內介外從五位下高  
丘宿祢宗雄為攝津介從五位下紀朝臣東人為伊賀守磯江王  
為駿河守外從五位下廣階宿祢宮雄為介津宿祢良友為伊豆  
守從五位下藤原朝臣大瀧為武藏介外從五位下家原宿祢氏  
主為安房守正五位下高階真人岑緒為近江介從五位下紀朝  
臣永直為陸奥守高橋朝臣安雄為若狹守外從五位下高丘宿  
祢百興為越前介從五位下藤原朝臣第男為加賀介從四位上源朝

臣啓為越中守外從五位下秦宿祢永原為越後介從五位上文  
室朝臣助雄為丹波守坂上大宿祢真守為介左近衛少將如故  
從四位上源朝臣冷為但馬守從五位下紀朝臣真直為權介藤  
原朝臣貞敏為備前介雅樂頭如故大春日朝臣真野麻呂為紀  
伊權介曆博士如故藤原朝臣岑主為讚岐權介橘朝臣三夏為  
筑前守桑田真人虎吉為筑後守外從五位下坂合部人吉為豐  
前介從五位下坂上大宿祢當宗為左兵衛權佐從四位下藤原  
朝臣仲統為左馬頭備前權守如故從五位下紀朝臣春枝為助  
從四位下藤原朝臣良仁為右馬頭左京大夫如故○辛酉停太  
射禮但勅諸衛府於殿前射○壬戌帝觀賭射○乙丑內宴命樂  
賦詩如常○二月庚辰參議式部大輔從四位上藤原朝臣貞守  
上表辭職○辛巳從五位下滋野朝臣善根為中務少輔藤原朝  
臣興郡為圖書頭左兵衛權佐筑前權守如故從五位上藤原朝



臣良繩爲內藏頭右中辨春宮亮播磨介如故從五位下興岑王  
爲諸陵頭丹墀真人第梶爲民部少輔外從五位下有宗宿祢益  
門爲主計頭竿博士如故從五位下大枝朝臣真臣爲鼓吹正當  
麻真人鴨繼爲典藥頭待醫筑前介如故善世宿祢豐永爲造酒  
正從四位下菅原朝臣是善爲左京大夫文章博士如故從五位  
下大中臣朝臣真玉爲亮從五位上藤原朝臣恒雄爲相模權介  
橘朝臣永範爲下野權守從五位下文室朝臣道世爲介文室朝  
臣有真爲陸奥守和氣朝臣巨範爲介橘朝臣休蔭爲左兵庫頭  
小野朝臣春枝爲鎮守將軍○辛卯請僧百三人於大極殿及冷  
然院分讀大般若經○癸巳地震有聲如雷○甲午地亦震○三  
月丙午雨雹記災也○壬子大宰府奏言新羅人卅人漂著此岸  
稟糧放歸以出羽國法隆寺預於定額○甲寅從五位下清原真  
人長統爲大學頭安倍朝臣房上爲大炊頭伴宿祢須賀雄爲紀

伊介藤原朝臣三藤爲土左權守陰陽頭如故○戊午移山城國  
葛野郡月讀社置松尾之南山社近河濱爲氷所齧故移之○丁  
卯加陸奥守從五位下文室朝臣有真從五位上是月地數震京  
師及城南或屋舍毀壞或佛塔倚傾○夏四月癸酉地震帝不  
御南殿勅公卿賜飲侍臣如常○甲戌地震詔諸國三位已上名  
神々主及祢且祝等並預把笏○庚辰駿河國言甘露降從五位  
下丹墀真人第梶爲讚岐權介○庚寅右京大夫從四位下藤原  
朝臣諸成卒諸成參議從三位巨勢麻呂曾孫左兵衛佐兼阿波  
守從五位下弓主之孫正六位上助川之長男也弘仁年中爲文  
章生聰悟超倫暗誦文選上快學中号爲三傑弘仁十二年二月  
爲修理少進九月遷民部少丞十四年七月爲式部大丞天長三  
年正月叙從五位下爲相模權介十年五月爲右少弁六月出爲  
大宰少貳承和六年九月爲治部少輔七年六月遷式部少輔八



年十一月加從五位上九年五月兼為勸解由次官八月遷為春  
宮亮十二年正月授正五位下十五年叙從四位下為右中辨嘉  
祥二年為補前守三年六月為右京大夫仁壽三年正月叙從四  
位上時人以為諸成才學不後等輩資性勤為宗恨不登八座而  
虛然傾逝時年六十四○甲午彈正基奏五世王者雖有王号非  
王親之限其朝服色宜依王臣位階從之○戊戌上野大守四品  
國康親王落髮為僧為人羸弱不堪出仕故避俗入道散位外從  
五位下冰宿祢繼磨呂卒繼麻呂字宿榮左京人晚入學日夜不  
倦精於竿術天長二年為主計竿師稍遷承和八年為竿博士兼  
為主計助年老致仕嘉祥元年特拜駿河介卒時年七十六○辛  
丑晦虹見於辨官廳前○五月丙午停騎射走馬之觀不御武德  
殿○庚戌諸僧二百五十人於大極殿及冷然院賀茂松尾神社  
分讀大般若經限三日訖攘災疫也○甲寅從五位下橘朝臣數

岑為木工助正四位下豐江王為右京大夫從五位下藤原朝臣  
有年為備前守○丙寅遣右大弁從四位上清原真人岑成向佐  
保山陵曰天皇恐年恐掛畏支佐保山陵爾奏賜爾御願  
止之奉造理給東大寺乃廬舍那佛代久經禮彼自然爾毀損  
天去年五月廿三日頽落給和因茲參議宮內卿從四位上源朝  
臣多安藝守從四位上清原真人寵雄等差使天可奉造固狀手  
奏結而而國家事繁久故障多之今勅天急利今奈始天的久奉  
造固留畏山陵乃御願爾願給天相助護給爾依之佛毛奉造固  
利平久可在止之天右大弁從四位上清原真人岑成乎差使天  
恐年恐毛奏賜止久奏從五位下大中臣朝臣真主為民部少輔藤  
原朝臣家宗為大炊頭安倍朝臣房上為安房守○戊辰以山城  
國片山神列於官社兼預相嘗祀○己巳雨水○六月壬申朔地  
震○癸酉地亦震○壬午 帝不御神嘉殿所司奉祭如常儀○



乙酉從五位上在原朝臣善淵爲大舍人頭是日諸名僧二日六  
十五人於東西寺及延曆崇福梵刹天王東大興福元興大安藥  
師西天法隆新藥師等十四寺讀所寫一切經各三遍限七日訖  
每寺差五位一人爲勅使 丁亥攝津守從五位下益善王賜姓  
清原真人 甲午加正三位藤原朝臣長良從二位 丙申正  
三位源朝臣潔姬薨潔姬者嵯峨太上天皇之女也母當麻  
氏天皇選智未得其人太政大臣正一位藤原朝臣良房弱  
冠之時 天皇悅其風操超倫殊勅嫁之清和皇太后即其長  
女也潔姬性能琵琶頗可賞翫永和八年十一月叙正四位下仁  
壽元年十一月叙從三位三年二月叙正三位薨擇賀樂曲白川  
地而爲葬地○秋七月辛丑朔遣使者向諸社奉幣祈雨○癸卯  
權中納言兼左衛門督從二位藤原朝臣長良薨長良贈太政大  
臣正一位冬嗣之長子也志行高潔寬仁有度弘仁十三年爲內

舍人仁明天皇在儲宮時晨昏侍坐花時月夜戲席射場天皇每  
許以交敵之恩長良逾修冠帶不敢和神天皇長元年二月叙從五  
位下二年二月爲侍從十年二月爲左兵衛權佐三月轉爲左衛  
門佐太子踐祚之日叙正五位下承和三年正月叙從四位下遷  
除右馬頭六年轉爲左馬頭九年八月遷爲左兵衛督十一年正  
月爲參議十五年正月遷爲左衛門督嘉祥三年四月叙正四位  
下九月叙從三位天皇晏駕之後哀泣不絕如父母初斷噉肉求  
冥助也仁壽元年十一月叙從二位四年八月爲權中納言薨時  
年五十五長良兄弟之間交愛天至接士大夫常以寬容入無貴  
賤慕而仰之後至千元慶元年追贈正一位左大臣三年重贈太  
政大臣有子六人第三子基經今攝政右大臣也基經幼少之日  
敬愛異於諸子古人有言知子不如父誠哉少女高子即今中宮  
也此先人餘慶而所遠及也○辛亥越中國言旱○癸丑從五位



下飯高朝臣永雄為中務少輔源朝臣至為待從南淵朝臣彌繼  
為大監物從五位上豐階真人安人為圖畫頭從五位下橘朝臣  
常蔭為刑部少輔橘朝臣信蔭為大判事滋野朝臣善根為肥前  
守○丙辰地震○丁巳雷雨○戊午地震○庚申若狹國言旱○  
甲子詔試諸沙弥讀經及第者聽度○戊辰地震○八月辛未朔  
別遣勅使於神泉苑試諸持咒有驗者聽度 丁丑冷然院及八  
省院大政官廳前同時虹見記異也○戊寅安房國言天雨黑灰  
從風而來委地三四計分○乙亥伯耆國伯耆神大山神國坂神  
並加正五位下倭文神宗形神大帶孫神並從五位上○己丑狂  
者藤原臣雄犯入禁中近衛陣頭射殺左衛門左兵衛官人見在  
陣者坐冷狂者入宮○丁酉大學博士兼越中權守從五位上春  
日臣雄繼賜姓大春日朝臣○戊戌從五位下春原朝臣永繼藤  
原朝臣正岑等為大監物橘朝臣常蔭為縫殿頭丹墀真人貞岑

為大學頭南淵朝臣彌繼為大藏少輔伴宿祢春世為武藏介清  
原真人長統為越後權守從五位上佐伯宿祢屋代為備後介○  
九月癸卯大僧都傳燈大法師位實敏卒實敏俗姓物部氏尾張  
國愛智郡人也初實敏在孕時母夢見室中建三重塔及生眼有  
重瞳耳孔相通年十三從伯父大法師中安入都實敏聰朗日倍  
受持經論中安歎異之乃屬律師玄叡玄叡察其法器摩頂誨誘  
更從入唐大僧都永忠學經論所滯二十受具足戒弘仁十年興  
福寺維摩會預席論難時諸寺學業之輩聽其堅義莫不驚悟承  
和九年於大極殿講最勝王經 皇帝臨聽實敏問答驚策唇舌  
紛紜分決疑滯毫毛必剖 帝稱歎久之明年擢拜律師再轉為  
大僧都卒時年六十九夏薦五十實敏言詞可羨音聲和羨發願  
教誨聞者流淚○己酉重陽宴也 天皇御南殿命樂賦詩如常  
○庚戌宮主外從五位下卜部雄貞神祇少祐正六位上業基等



賜姓占部宿祢○辛亥造酒司酒麿神從五位下大邑刀自小邑  
刀自等並預春秋祭○癸丑散位從五位上春枝王卒春枝四世  
從五位下仲嗣第八之男也為人謙退敦崇佛道弱仕嵯峨太上天皇承和初為越後介頗有政績十年正月叙從五位下時當諒  
闇殊擇治國者春枝預此選叙之即為能登守彼國累年荒廢百姓煩擾春枝到國比及三年國漸興後民得綏安上請以定額大  
興寺為國分金光明寺安居之講自此勤修梵唄之響晝夜無林  
仁壽三年七月為中務少輔十月遷為正親正四年正月叙從五  
位上齋衡二年正月為下總守稱病篤不之任隱居養病有恩諸  
節祿及位祿等准見任給卒時年五十九○丁巳越前國天八百  
萬比咩神天國津比咩神天國津彦神天鈴神玉佐々良彦神信  
露貴彦等並預官社○辛酉地震○壬戌諸僧於賀茂松尾大神  
社讀金剛般若經限三日訖○乙丑地震○丁卯從五位下紀朝

臣春枝為木工助左馬助如故藤原朝臣貞道為左京亮外從五  
位下秦宿祢永原為山城介從五位下藤原朝臣良尚為上總權  
介外從五位下榎井朝臣嶋長為越後介從五位下大原真人真  
室為肥後介○戊辰授越前國天八百萬比咩神從四位下天國  
津比咩神天國津彦神天鈴神玉佐々良彦神信露貴彦神並授  
從五位下○冬十月辛未朔地震○戊子地震權大僧都傳燈大  
法師位真濟為僧正少僧都傳燈大法師位真雅為大僧都○己  
丑加從一位平岡神幣布廿四端○辛卯外從五位下御船宿祢  
佐世為助教家原宿祢氏主為學博士從五位下飯高朝臣永雄  
為主稅頭從五位上南淵朝臣年名為春宮權亮式部少輔如故  
從五位下山口忌寸西成為大和介從五位下紀朝臣興我業為  
陸奥權介以山城國宇治郡粟田山施入安祥寺○甲午地震○  
乙未地亦震○十一月庚子朔地亦震侍醫正六位上門部連名



繼等賜姓興道宿祢內匠少屬正七位下民忌寸國成賜姓內藏  
朝臣是夜大津失火延燒七十餘家○辛丑地震○壬寅詔刑部  
大輔春澄朝臣善繩講書帝自受讀加美濃守從五位上紀  
朝臣今守正五位下授左大史正六位上家原宿祢繩雄外從五  
位下正三位橘朝臣岑繼為中納言外從五位下家原宿祢繩雄  
為主稅助○癸丑地震○乙卯 帝不御神嘉殿所司奉祭如常  
儀○丙辰 帝御南殿賜群臣如常儀○丁巳御池水色變黑數  
日乃復何以書之記異也○庚申從五位上在原朝臣善淵為中  
務少輔○辛酉遣權大納言正三位安陪朝臣安仁侍從從四位  
下輔世王等向後田原山陵告以配天之事策白天皇大命掛  
畏平城宮天下所知倭根子天皇御門申賜奏今月廿  
五日河內國交野乃原吳天祭為志掛畏御門乎主止定奉  
天可祭事乎畏申賜奏攝津守從五位上清原真人益

吉散位從五位下仲井王等賜姓文室真人○壬戌大拔於新成  
殿前諸陣警戒帝進出庭中大納言正三位藤原朝臣良相跪授  
郊天祝板左京大夫從四位下菅原朝臣是善捧筆硯 帝自署  
其諱訖執班北面拜天乃遣大納言正三位藤原朝臣良相右大  
弁從四位上清原真人岑成左京大夫從四位下菅原朝臣是善  
右中弁從四位上藤原朝臣良繩等向河內國交野郡柏原野設  
齋習禮祠官盡會○甲子有事圓丘夜漏上水一剋大納言藤原  
朝臣良相等歸來獻酢○戊辰有鴛集版位下記異也○十二月  
庚午朔日有蝕之○癸酉大雪○己卯地震○庚辰帝不御神嘉  
殿所司奉祭如常儀○癸未從五位下橘朝臣信蔭為刑部少輔  
外從五位下讚岐朝臣永直為大判事明法博士如故從五位下  
橘朝臣貞雄為官內少輔藤原朝臣直道為美濃守○丙申常陸  
國言木連理○丁酉美作國獻白鹿於神泉苑○戊戌常陸國上



言鹿嶋郡大洗磯前有神新降初郡民有者其海為塩者夜半望海  
光耀屬天明日有雨恠石見在水次高各尺許體於神造非人間  
石塩翁私異之去後一日亦有升餘小石在向石左右似若待坐  
彩色非常或形沙門唯無耳目時神馮人云我是大柰母知少比  
古柰命也昔造此國訖去往東海今為濟民更亦來歸○庚子朔  
天安元年春正月庚子朔天皇不受朝賀南殿不卷御簾宴飲群臣賜  
祿如常○癸卯詔衛府殿敷邪杖內侍轉而奏上之○甲辰風雪○丙  
午 天皇不幸豐樂院御南殿而觀音馬宴會即據常儀无位時  
佐王授從四位下從五位下全世王從五位上无位繁原王從五  
位下正五位下橘朝臣海雄從四位下從五位上藤原朝臣良繩  
正五位下從五位下春原朝臣廣宋藤原朝臣自敏紀朝臣全吉  
藤原朝臣良世源朝臣平紀朝臣夏井等從五位上外從五位下  
山宿祢池作正六位上在原朝臣平落源朝臣於清原真人道雄

伴宿祢中庸藤原朝臣忠雄坂上大宿祢岑雄丹墀真人宗雄坂  
上大宿祢瀧守丹墀真人高棟橘朝臣時成紀朝臣冬雄等從五  
位下王六位坂上忌寸能文阿牟公門繼高橘朝臣文室麻呂廣  
階宿祢貞雄善道朝臣根延三善宿祢氏善水取仁占部宿祢  
業基等外從五位下○丁未无位藤原朝臣穎子授從五位上從  
六位上百濟王貞琳紀朝臣仲岑從六位下和朝臣字子從七位  
上平羣朝臣貞宗從六位下秋篠朝臣春子无位林朝臣氏子等  
從五位下從八位上酒部公真負從七位下麻績連真屋子賀陽  
朝臣姑子等外從五位下○癸丑正五位下高階真人岑緒為左  
中并外從五位下有宗宿祢益門為木工權助主計頭守博士如  
故從五位下豐住朝臣永貞為齋宮頭從五位上安倍朝臣貞行  
為大和守外從五位下蕃良朝臣豐持為權介從五位下齋部宿  
祢木上為參河守從五位下紀朝臣貞守為甲斐守正五位下源



朝臣與為相模守右近衛中將如故從五位下滋野朝臣安成為  
介正四位下豐江王為下總權守外從五位下安野宿祢豐道為  
介從四位上源朝臣冷為近江守正五位下紀朝臣今守為介從  
五位下安倍朝臣安正為下野介丹墀真人河雄為權介從四位  
下橘朝海雄為越前守從五位下春原朝臣未繼為越中丹墀  
真人高棟為丹後守從四位上藤原朝臣春津為但馬守刑部卿  
如故從五位下藤原朝臣忠雄為因幡介從五位上紀朝臣夏井  
為播磨介右中弁式部少輔如故正五位下藤原朝臣良繩為備  
前權守左近衛中將右中弁春宮亮內藏權頭如故從五位下善  
世宿祢豐永為長門守從五位上紀朝臣全吉為紀伊介右近衛  
少將主殿頭如故正四位上源朝臣寬為讚岐守從四位下春澄  
宿祢善繩為伊豫守從五位下大神朝臣虎主為權掾侍醫如故  
從五位上小野朝臣貞樹為大宰少貳從五位上物部朝臣廣泉

為肥前介內藥正侍醫如故從五位下紀朝臣春枝為左衛門權  
佐左馬助木工助如故近來處々井泉涸盡左京三四條間枯渴  
尤甚今朝始雨降○乙卯前讚岐守正五位下弘宗王前日向守  
從五位下嗣岑王散禁右京職先此讚岐國百姓等訴弘宗王仍  
遣詔使推問虛實伏辨已了使等為囚付國禁固而弘宗王脫禁  
逃亡入京故今重禁又嗣岑王先被告將殺詔使而竊輒入京故  
亦禁固○丙辰 天皇不幸豐樂院止觀大射公卿於豐樂殿下  
令諸衛府次射之先是曆博士大春日朝臣真野麻呂上請以開  
元大行曆經造年久而今檢大唐開成四年大中三年兩年曆注  
月大小頗有相謬覆審其由依五繼曆經造之望也依件經術將  
造進今日仍許之真野麻呂曆術獨步能襲祖業相傳此道于今  
五世也○戊午於新成殿前觀賭射是日從四位下在原朝臣行  
平為兵部大輔因幡守如故從五位下大和真人吉直為木工頭



正五位下藤原朝臣良繩爲右近衛中將左中弁春宮坊亮內藏  
權頭播磨介如故○庚申內宴命樂賦詩自如舊儀是日民忌寸  
內藏忌寸平田忌寸山口忌寸文忌寸大藏忌寸檜前忌寸川原  
忌寸谷忌寸等五十九氏改忌寸賜伊美吉姓是日右大臣正二  
位藤原朝臣良房杭表日臣良房言臣聞奔驅効駕先輟於羸駘  
翔集賀成近遺於鍛鞠臣輒感之以悽以悲中謝臣材同擁腫器  
謝弘通徒以會遇時來逮奉先帝無翼而登霄漢攀鱗而踐崇班  
參贊王猷日慎一日頡頏禁闈進不能退臣之涯分於是竟焉陛下  
以光華之運當邀於下夢而渭陽之和尚任於疲頓臣視陰揭影  
不敢違寧盡命輸誠將酬大造而去歲以降老病相仍顧愷之髮  
早衰燭武之言有驗斯固周旋已久甲子自多滿而招殞極而成  
變之所致也臣位極入臣正盈十載縱令都忘饗冒不知止足將  
恐不免在梁之譏俄嬰殿室之禍所以中宵耿耿達且呻吟又臣

奉宿衛職力五年于茲矣警巡事重士卒難調而今臣志力俱廢  
弓劍非豈可虛妨折衝之任久紊韜鈴之委伏請禘退官職頭  
病戶庭或屬痊平之時趨陪階堦之外在於老臣良爲厚幸無任  
慊懇之至謹奉表陳乞以聞不許之○乙丑重上表曰臣良房瀉  
瀝精誠脫去官職事非矯飾庶蒙昭亮而由裏靡發卑聽逾遙震  
蕩情靈銷灼膚貌中謝臣伏以大臣是百僚之長朝家理亂本自繫  
之大將爲七德之師王室安危莫不以之者也臣叨以非據久帶  
兩官今屬老病何狎恒典當陣執退速統朝章長歌已下遽歸里  
第是則微臣之自分也但以流放出浦獨成鳴咽去鳥辭巢非無  
顧慕况臣身甚渭陽之戚情異義合之臣必須粉其荅恩死生致命  
是以頻繁移病不出朱城時月扶羸強趨絳闕此亦眷心所照更  
復妄言臣聞負重致寇易象表其終凶福過生災至人貽其灼誠  
臣尚貪盈滿遂及頽敬何以駐東岱之魂覩南薰之化所以恒祈



苦功淚繼之血伏眞陛下特留玄鑒俯照丹慊必降於容之恩得  
臣文武之職在於老僊願免謗咎不任懇款靦懼之至謹重奉表陣  
乞以聞不許之禁中有由宴預之者不過公卿近侍數十人昔者  
上月之中必有此事時謂之子日態也今日之宴修舊迹也

日本文德天皇實錄卷第八



文德實錄

自九至十

149  
40  
9

東泉園書館

冊	號	架	函	屬	類
07	26	9	677		



日本文德天皇實錄卷第九

起天安元年二月盡十二月

大臣正二位臣藤原朝臣基經等奉

勅撰



十二月己巳朔庚午地震○乙亥地震○壬午地震○甲申地震從  
 五位上並上王從五位下藤原朝臣基經等為少納言田口朝臣  
 統範藤原朝臣三直等為大監物淡海真人貞主為內匠頭藤原  
 朝臣家康為兵部少輔外從五位下難波連履麻呂為隼人正從  
 四位上清原真人長田為刑部大輔從五位下藤原朝臣大瀧為  
 少輔外從五位下廣階宿禰貞雄為大炊頭從五位下伊統宿禰  
 福代為造酒正藤原朝臣正岑為彈正少弼善世宿禰豐永為右  
 京亮山田宿禰春城為勘解由次官橘朝臣信蔭為安房守藤原  
 朝臣秀道為越後介藤原朝臣諸藤為丹波介紀朝臣真丘為但  
 馬介正四位下南淵朝臣永河為因幡權守從五位下橘朝臣高  
 成為長門守從五位上良岑朝臣清風為左馬助○乙酉遣使內



禮一作  
世與一作  
岐善是  
三字一  
作掛畏  
支作掛  
利下一  
有字

外諸名神社賀木連理白鹿等之瑞宣制曰天皇我詔旨止掛畏  
支諸大神乃廣前亦恐恐義申賜止申久維齊衡三年十月廿  
日公卿奏常陸國木連理乎獻同年十二月十三日尔美作  
國白鹿乎獻乎良久奏利如是與嘉瑞波聖皇乃御世尔天地乃示  
賜物止奈聞食須是薄德乃能令感致與物非須善是皇  
大神乃慈賜比示賜留物利奈為天奈貴嘉比受賜利御代乃名手  
改天安元年止為留事乎申賜尔差使天禮代乃大幣帛乎令  
捧持天安奉出須此狀乎神奈可聞食天風雨乃灾無久天下饒足  
女天皇朝廷乎今毛今毛弥益益尔常磐尔堅磐尔夜守利日守  
利護賜止恐見恐毛見申賜止波久申○丁亥右大臣正二位藤原朝  
臣良房為太政大臣大納言從二位源朝臣信為左大臣大納言  
正三位藤原朝臣良相為右大臣宣制曰天皇我詔旨止  
命乎親王諸王諸臣百官人等天下公民眾聞食止宣不右大臣

或曰大  
疑當作  
天小字

官一作

從二位  
一作正  
三位

曰當作  
日追一  
作位  
土一作  
上又作  
士一作  
目一作

正二位藤原良房朝臣朕之外舅那又稚親王止大坐時与助  
導支供奉留所毛安今毛又忠貞留心乎持天食國乃天下乃政  
半相那奈申賜比助奉留事毛漸久利奴那古人有言利德止之無  
不酬毛止奈聞食須而今所在乃宮波掛畏支先帝乃治賜留所柳  
朕未有所酬是以殊尔太政大臣官尔上賜比治賜又大納言從  
二位源信朝臣毛朕之伯父利那亦舊故毛有尔依天奈殊尔左大  
臣官尔任賜不天大納言正三位藤原良相朝臣波右大臣官尔任  
賜止久勅布天皇御命乎眾聞食止宣○戊子右大臣從二位藤原  
朝臣良相上表曰臣良相言今月十九日降軒臨之咫尺拜微臣  
於端右尔來屈計未及决辰日夜慙違與居戰跼謝中臣聞效段之  
駕向千里而自跪輪困之材構百尋而未可臣幸憑餘慶得貫土  
流祇奉先朝齎成貴仕重屬聖明膺錄景運會冒睠及渭陽寵兼  
惟舊待臣於常均之外擢臣於儕輩之中夙忝崇班頻歷顯要遂

大德寺藏本



惟恐一  
作推難

上一作

部下脫  
鄉字

使年未知命位極人臣榮進望古而無倚恩弊當今而罕匹伏以  
大臣者允諧百揆敷奏萬機處衡軸之要為毀譽所歸臣內求諸  
已一無堪何以助日月之光華增天地之高厚將恐事乖才力仍  
紊紀綱聖朝有刺於惟鵝微臣貽凶於覆餗所以心顏罔厝進退  
失圖伏冀天矜賜垂昭高收陽和之溫煦返離畢之滂沱停臣此  
任則彝倫載穆不任覩懼屏營之至謹奉表陳乞以聞勅荅不許  
之是夜大雨達旦不霽○已丑地震是日改元為天安元年緣美  
作常陸二國獻白鹿連理之瑞遣雅樂頭從五位下藤原朝臣貞  
敏參議從三位兼中宮大夫伴宿祢善男侍從五位下源朝臣  
至權大納言正三位兼行民部陸奧出羽按察使安倍朝臣安仁  
木工頭從五位下大和真人吉直參議從三位兼春宮大夫平朝  
臣高棟右兵衛佐從五位下藤原朝臣有貞中納言正三位橘朝  
臣岑繼散位從五位下橘朝臣岑雄等於諸山陵宣制曰 天皇

導一作

仙上下  
疑脫字

恐美恐毛掛畏岐山陵爾申賜倍申久公卿奏久維齊衡三年十  
月廿日爾常陸國木連理乎獻同年十二月十三日爾美作國白  
鹿乎獻乎留進止奏利如是支嘉瑞彼是薄德乃令感致倍物波  
非須掛畏支山陵乃慈賜比示賜倍物奈利為毛奈貴喜比受賜  
天御世乃名乎改天天安元年爾須事乎差使天進出天恐美恐  
美申賜以奏詔曰玄穹質暗効珎符而不言皇王至公代神工而  
布德緬尋前載導來尚矣朕以寡昧續守洪基垂拱巖廊如履冰  
谷勞形育物亭毒之仁未弘展敬奉天貫徹之誠或缺不知幽顯  
有何感通去歲冬中景貺荐委美作國貢白鹿一頭色均霜雪自  
絕毛群性是馴良足稱仁獸不因仙來在彤庭重被遐齡蘇于靈  
囿常陸國上言生連理樹二也一郡山裏兩處森然分根合幹異  
體同枝或相連其間一丈餘尺或交柯之上更挺好姿斯皆書經  
史而可傳稽瑞圖而有慶朕之菲虛非可能致唯由宗社垂祐服



傳一作

肱叶贊今欲鍾此休徵不享獨美施之惠澤編及萬方宜復美作  
常陸二國百姓當年徭役并日就中瑞祥所出重以優矜苦田郡  
調真壁郡庸今年可輸并皆免之其得異蹄郡司蠖臣全繼叙  
正六位上賜物准例見著祥木吏民二人亦宜量與爵賞又復天  
下黔黎今年之半徭伊勢太神官祿宜大物忌內人諸社祿宜及  
內外文武官把笏者賜爵一級但正六位上廻授一子如無子者  
宜量賜物五位已上子孫年并已上者叙當蔭之階天下老人及  
僧尼百歲已上者賜穀四斛九十已上三斛八十已上二斛七十  
已上一斛鰥寡孤獨不能自存者量加賑恤孝子順孫義夫節婦  
旌表門閭終身勿事又令京畿及諸國將順春令埋舊掩骼且夫  
隨時紀號邦國之恒規因瑞建元古今之通典可改齊衡四年為  
天安元年又朕欲令犯辜滌瑕自新然而數赦為害先聖攸禁所  
以驟肯之詔今日寂寥傳告遐邇咸使知聞○辛卯從五位下伴

九乘无  
之能  
水將聞  
一有而  
字

宿祿須賀雄為縫殿頭從五位下藤原朝臣秀道為信濃介右馬  
助如故外從五位下坂上伊養吉能文為越後介從五位下藤原  
朝臣基經為左衛門佐少納言如故藤原朝臣有貞為左兵衛佐  
從五位上橘朝臣常蔭為右兵衛權佐是日太政大臣正二位藤  
原朝臣良房執表曰臣良房言臣年髮已衰羸病彌積仍比陳表  
乞停所職祇奉還詔未蒙矜許重欲上誠伏伺隙何謂聖造無咎  
殊弊更加不以臣之不肖委以大臣非分之榮已出慮外膏驚毛  
豎轉增憂懼辨臣聞太政大臣者君人取則玉燭攸調無其人則  
闕誠有以也余惟臣列祖先臣并此位者居多皆以禮隔於人存  
号開於身後而今德不半古榮則獨新耻嶽幽明悲纏允滿似騎  
虎而未下如履冰將陷襄容更衰危命增危伏願曲照丹心俯收  
玄澤使蕩蕩之化無偏於聖圖炎炎之謠獲免於愚鄙則彛序無  
穢國經克全豈臣輕非獨所荷賴不勝丹慊之至謹拜表以陳聞



善一作

游遊作

負負作

知疑如

高一作  
亮一作  
情一作  
性一作  
性下  
無下  
因願一  
作同類

勅答不許○壬辰左大臣從二位源朝臣信抗表曰臣信伏見詔  
旨以臣為左大臣天慈潛發寵命威彰鞠躬漸惶啓處無地謝臣  
聞人性不及者聖賢未必相強器任非分者庸愚猶知弗克臣本  
以踈慵酷厭俗務愛替生之不堪好阮公之孤嘯常願日夜對山  
水而橫琴時時翫鷹馬而陶意自參端揆以來未嘗一日不懷辭  
退之志先朝鑒其素性賜以優游之詔陛下假以餘恩不貴密  
勿之効雖匪服之譴幸被寬仁而伐檀之嫌常懷慙負而今望隆  
百揆任極三台綺成衆務權衡庶品豈是微臣所可克堪臣在少  
壯之時猶苦性懶心知何況於容髮衰老疴病轉深乎縱臣才頗  
可施力稍堪勵而苟辭榮官志在靜退則置之國憲未足繩猥伏  
望察其哀誠高其危苦求情究理幸賜寬宥則情命之惠於天造  
尸素之責免於具臣竊見古今凡升高班者例必再三固辭雖堪  
其任猶有此事今臣所請只是實言非敢矯飾因願者迴上請之

大納言  
一作權  
大納言

榮一作

正三位  
一作正  
二位  
重一作  
衷一作  
衷一作  
漢一作

後不重煩拜表遂守素情誓以不欺無任謙切冒以陳請勅答不  
許之○癸巳大納言正三位安倍朝臣安仁抗表曰安仁休奉恩  
制忝授大納言祇命荷惠以感以懼凡人情得定苦於放縱苟或  
過量何能保全故再實之木必傷其根重載之輪先覆其駕臣雖  
愚昧豈不危悚臣今才微位貴力劣權崇帶職兩三官周旋於具  
瞻之地食邑八百戶盈溢於尸素之身伏願減大納言所食邑給  
中納言所賜封猶足使飽及子孫勞施綿邈不敢貪得空名唯慮  
不捨往鑿無勝丹款之至謹陳謝以聞依上表懇至聽其所請○  
丙申廢鴨齋內親王慧子更立无品述子內親王為齋內親王遣  
右大臣正三位藤原朝臣良相於神社告事由其事祕者世無知  
之也是日太政大臣表曰臣良房言披誠上謁既具前章苟在  
由衷寔非飾讓然鳳閣高邃龍渙不取思沾焦而空危顧搖旆而  
奚託謝臣効微塵髮施重丘山每至寵命加身何時不慙尸素就



戴一作

中無地於自厝未有今日之甚矣却念臣之此榮當是陛下之殊  
恩先父之餘慶唯須上載聖慈下荷祖德而已豈敢慙慙曲讓於  
其間乎雖然懼此不次怪此非常無火而焦不寒而慄恐亢龍有  
悔難陪仙蹕之告成老馬無休空值弊帷之先掩伏願曲留皇揆  
俯察丹翹詳其救危之謀許以知足之分使得退影闕扉馳心魏  
闕携藥餌以扶病念佛經以待終然則生涯之分於臣已足豈羨  
夫泛扁舟而遠謝營九籥而長生者哉不任惶款之至謹遣左兵  
衛佐從五位上臣藤原朝臣良世奉表陳聞驟黷宸旒伏深戰灼  
不許之○丁酉晦典侍從三位當麻真人浦虫獻物於此殿○三  
月戊戌朔己亥從五位下紀朝臣冬雄為齋院長官備前權掾如  
故安倍朝臣氏主為參河守齋部宿祢木上為越中介○辛丑太  
政大臣裏表曰臣良房言臣聞曾陽高麾落日迴輪踈勒固祈枯  
泉飛液臣前後頻瀝精誠而天地未降感草捫躬三省撫然罔厝

重一作  
煥當作

及一作  
伍當作  
低一作  
企一作

但一作  
阻一作  
面一作

謝中臣拔自常才忝此重任窮涯不反盈量更加訪諸古今參之愚  
智未有德薄而位高如臣之比是以伍頭而念攬涕而悲上為國  
家下為己身寢食輒減初感泉企之得官頭髮併華偏同韋誕之  
題殿臣不敢情捐露之微命愛蟬翼之輕身唯欲暫謝冥升之危  
遂觀太平之化伏願披豁聖懷曲施鴻需停此宗高之号銷彼盈  
滿之灾使遺音之鳥退得栖林之便濡尾之狐終免濟水之害不  
任荒悚之至重奉表以陳聞重表固辞不遂允許勅賜寶釵一雙  
曰公宜帶此釵副朕懇情莫教蕭何獨誇漢朝先是賜安車入朝  
固辞不受○甲辰頻抗表曰臣良房言臣聞祿過其分榮是深憂  
任越其才辞非飾讓謝中臣近來抗表再三不足上暢天聽油雲之  
潤已凝匪石之祈空廢誓留詔命潜持深慈孤負朝章恐貽厚譴  
是以誠在忘身強將攝任亦猶機蓬矢以射草駟跛鼈以上祖臣  
身廼德薄慮淺効微鍾此崇号聲榮已甚食他厚祿而日何施鼎



鐘一作

虛一作慮一作禍一作

馬下脫字

刑形當作

實已盈恐我仇之相就車載更重嗟斯軸之可摧况今府帑懸罄  
杼軸殆空寂是愚臣二簋用享之時一握專約之會也伏望可新  
加賜封邑職田資人帶刀等類一切停止以全在得之戒將救履  
薄之危非敢輕謝朝私輒損國憲正欲暫安鐘漏稍存止足特願  
大陽垂景委照傾藿之心上天虧盈全分敬器之鑒臣辭職不獲  
命讓賜又不蒙恩則知天之降灾臣之難免耳又願特廻聖虛深  
察惠哀使上有成物之慈下無損身之福不任惶欸之至謹拜表  
以陳聞頰塵冕旒伏二字谷是日請眾僧百五十人於冷然院新  
成殿及大極殿限以三字日轉讀大般若經○癸丑遣左右近衛  
左右兵衛及檢非違使左右馬於京南捕群盜○乙卯亦遣六衛  
府舍人等於平城捕群盜○丙辰勅曰太政大臣道高翼贊德叶  
儀形在於朕躬乃誠繫賴而頰表冲馮固辭成命雖然拒斷遂無  
容聽今省重表副朕心情宗号野且不乖攝任唯至祿法推而不

所一作

龜神脫字

鐘可新加色祈惣停止忌滿之詞最切助公之意兼深今欲酌成  
羨於聖言歸福謙於賢相是故此般所請不忤雅懷以書報之指  
不多及○丁巳外從五位下廣階宿祢貞雄為玄蕃頭外從五位  
下九子連家繼為大炊頭○壬戌遣使京南禁遏奸盜○丁卯有  
勅遣使神泉苑馬場角御馬之走足也○夏四月戊辰朔親王公  
卿侍東釣臺宴飲賜祿如常○癸酉有勅大炊寮大八嶋寬內膳  
司忌火庭火神並授從五位下又權大納言正三位安倍朝臣安  
仁為真正六位上當野忌寸平麻呂授外從五位下○甲戌无品  
滋野内親王薨親王者桓武天皇第七女也母大納言正三位勲  
四等藤原朝臣小黑麻呂之女正五位下上子也親王容色妖艷  
不免淇上之譏○丙子右中弁正五位下藤原朝臣良繩授從四  
位下○壬午修仁王會近自禁中遠及諸道一日百座精進勤行  
○乙酉鴨祭如常也在山城國從四位上稻荷神三前各授正四



位下○丙戌天皇御南殿太政大臣正二位藤原朝臣良房授從一位右大臣正三位藤原朝臣良相授從二位兼為左近衛大將大納言正三位安倍朝臣安仁兼為右近衛大將參議從四位上藤原朝臣氏宗兼為伊豫權守從五位下當麻真人清雄為圖書頭從五位上豐階真人安人為掃部頭從五位下藤原朝臣備雄為越後權守從四位下藤原朝臣良繩為左近衛中將右中弁春宮亮內藏權頭播磨介如故正五位下源朝臣興為右近衛中將相模守如故是日有勅許无品惟喬親王帶劔于時皇太子年十四未加元服○丁亥終日雨通宵不休地震○庚寅始置近江國相坂大石龍花等三處之關劃分配國司健兒等鎮守之唯相坂是古昔之旧關也時屬聖運不閉門鍵出人無禁年代久矣而今國守正五位下紀朝臣今守上請加二處關而更始置之也○五月丁酉朔日有蝕之○己亥請僧百五十人於賀茂上下松尾大神

右下脫馬字

將一轉辨下作介三掃字

少一作中

社令轉讀金剛般若經限以三ヶ日○庚子有勅遣使武德殿馬場令角走左右寮御馬各十疋○辛丑 天皇不幸武德殿入心寂寥○甲辰請僧百四人於大極殿限三箇日轉讀金剛般若經是日從五位上南淵朝臣年名授正五位下正六位上道嶋宿禰瀧嶋授外從五位下正五位下南淵朝臣夏井為少將右少辨如故從五位上紀朝臣有常為伊勢權守外從五位下道嶋宿禰嶋為近江權介從四位下菅原朝臣是善為美作權守文章博士左京大夫如故從五位上清原真人秋雄為備中權守從五位上良岑朝臣清風為左近衛少將從五位下佐伯宿禰雄勝為右近衛少將○丙午右大臣從二位藤原朝臣良相抗表曰臣良相言臣聞安官貪祿謂之具臣讓賜辭榮名之貞正二者優劣為臣鑒誠謝臣秉鈞當軸德薄力微沾焦之懼在懷遜職之祈上表而帝聞幽悶嚴命不聽是以朝夕階墀僂俛從事歿而後已臣之所守

大志



裏一作

不下一  
有已未  
二字  
案端一  
作案端  
起一作

但以金滿則人概之人滿則天概之臣居盈溢深以戰兢况今稟封戶者倍於疇昔國用闕乏職此之由夫豐儉隨時古今通法臣之昧進何得偷安伏望雖帶右大臣之号猶食大納言之封少弭尸素且免物議非敢詭飾明瀝衷誠仰乞宸慈曲垂矜許無任悚悸愧負之極謹拜表以聞有勅不許之○丁未地震○庚戌請僧六十三人於冷然院限五箇日轉讀大般若經布施之外別各施度者一人○丙辰地震雷雨近來霖雨不霽今日京中水溢是日在相模國從五位下石楯尾神預官社○壬戌在常陸國從五位上勳八等吉田神授從四位下右大臣從二位藤原朝臣良相又上表曰臣良相言臣近上表言雖帶右大臣之号猶食大納言之封敢布腹心實非矯飾而天慈不止表一賜矜容臣慚荷周章心顏罔厝謝臣聞懷寵耽祿往哲誠其危亡挹盈居冲先賢訓其止足臣猥象鴻貸位極入臣不獲越雖遂為忝越滿而能久古來未

案端一

必心一作

第一作  
第二作  
戊一作

聞臣甚咨嗟不曾安寢加以臣殊感恩義思効績豪潤屋之慮已忘而利公之誠有日今第封邑當食二千臣之庸虛何貪厚賞所以雖優詔之旨有可祇戴而固陋之情終難自奪今亦奉還職田等類載之別表添以奉進伏冀更廻玄鑒詳照丹愚前後所陳心垂允愜無任迫悚屏營之至謹重奉表以聞大納言安倍朝臣安仁宣奉勅上表慙慙宜職封停一千戶充一千戶但職田類依例行之者○乙丑晦淫雨未霽洪水汎濫道橋流絕河堤斷決○六月丙寅朔從五位下藤原朝臣三藤紀朝臣真高等授從五位上從五位下紀朝臣好雄為侍從從五位下丹墀真人第梶為讚岐介外從五位下當野伊美吉平麻呂為肥前權介○壬辰在備中國四品吉備津彥命神授三品在陸奧國極樂寺預定額寺充燈分并修理料稻千束墾田十町○壬申遣勅使於左近衛馬場令試春宮坊擬帶刀舍人步騎兩射各定其料先是坊司請加增舍



伏當作

忘一作  
助當作

勤一作  
動下同

因字上  
下疑脫

久十人其時服日食便用職物許之故試補馬○丙子風雨迅雷  
 ○壬午中納言正三位源朝臣定上表曰臣定言臣聞選才授官  
 無効則黜陳力就列一不能則伏謝臣幸預葭茅類霑汗位非  
 德舉榮乃恩外謬忝納言之職已知身分有餘而亦兼以左兵衛  
 府及勘解由使愚心尚誠非宜物議誰謂其可然臣所以欽命不  
 辭忌諱無願者誠願先助骨之未衰將盡犬馬之微効是以勤身  
 執掌唯力是視不憚風雨羨効塵消而隨職以降數年空過私責  
 且敢官誇行起加之自去春末疥瘡纏身五月以來更亦殊劇舉  
 體膿腫無階起居醫療無驗日夜苦辛計其能產當曠時月竊以  
 兵衛府機警繁務史士難調勘解由使拘放多端疑論難決縱得  
 其才弗動無益雖有其勤非才何用而今臣不才之上格動又廢  
 既同曠官何免重責至中納言者有長官傍多眾賢國務行留不  
 繫一負因願唯帶此納言早解彼兩職授受惟宜名器無濫不敢

辭處求易叨高嫌卑唯要其有利於公無損於私伏望恩再造朝  
 議無偏擇賢才以改授矜愚性以全榮然則在梁之議外慙初停  
 負乘之憂內訟永斷不任慳欸之至謹奉表以陳聞右大臣宣奉  
 勅抗表懇至宜從來請○甲申在出雲國從五位下天穗日命神  
 預官社在肥後國從五位上曾男神授正五位下從五位下粟田  
 王賜文室真人姓從四位下藤原朝臣良繩為右大弁左近衛中  
 將勘解由長官備前權守如故從四位上清原真人岑成為大藏  
 卿從三位高枝玉為宮內卿從四位上源朝臣多為左兵衛督從  
 五位上紀朝臣夏井為右中弁式部少輔播磨介如故從五位下  
 藤原朝臣家宗為右少弁從五位上長岑朝臣清風為越中權介  
 左近衛少將如故從五位下佐伯宿祢雄勝為但馬權介右近衛  
 少將如故○已丑勅遣左右近衛各五六人於西北深山錄寺并  
 修行者名施供米塩各有差○庚寅大宰府飛驒言上對馬嶋上

大宰府飛驒言上對馬嶋上



田原  
一有朝  
字

縣郡擬主帳卜部川知麻呂下縣郡擬大領直浦主等率黨類三百許人圍守正七位下立野正岑館行火射殺正岑並從者十人防人六人從五位下橘朝臣貞雄為兵部少輔藤原朝臣貞道為宮内少輔縣連氏益為左京亮田口朝臣統範為勘解由次官正六位上竹田臣田繼賜清本朝臣姓參河國上言今月六日廳院東庫振動○癸巳從五位下清原真人長統為伊勢介是日請名僧廿八人於冷然院轉讀大般若經限以四箇日○甲午擇讀經僧中寂英俊者六七人於御前令論議大法師道詮為座主○秋七月己亥雷雨異維有聲如雷四五度○辛丑乾維有聲如雷五六度又異維時時有聲如雷○癸卯地震乾巽兩維有聲如雷○甲辰河内越中等國司言上不堪佃田依不據實下秋官而斷罪也○庚戌雷雨自去月下旬不雨田閭頗憂今日適得膏澤○辛亥下制大宰府免對馬嶋賊類被却入賊黨及獄中死亡實無罪

者妻子○甲寅虹當冷然院北門東腋而見也○己未請名僧六十人於冷然院令轉讀大般若經限以三ヶ月日夜地震其響如雷○壬戌從五位下藤原朝臣大瀧為宮内少輔○八月乙丑朔辛未在常陸國大洗磯前酒列磯前神等預官社許令攝津國人散位從八位下岸田朝臣全繼帶兵伏把湯檢國中非違○戊寅天氣濛濛如苦霧之朝○己卯藻壁門自然頽落時人以為怪異也○庚辰在播磨國正六位上天一神授從五位下在大和國從五位下高屋安倍神掠橋下居神并授從五位上外從五位下當野伊美吉平麻呂為豐前介○乙酉請僧六十人於冷然院限五ヶ月轉讀大般若經○丁亥在播磨國從五位下天一神預官社○己丑從五位下清原真人道雄為大學頭朝野朝臣貞吉為備中介○辛卯右近衛舍人町火○壬辰夜快雨先是數日不雨田畝頗苦今日人間歡喜以為冥感也○九月乙未朔丁酉正四位下



文父  
作

右京權大夫兼山城守長岑宿祢高名卒高名者右京人也結童  
入學年廿一始為文章生少時養兄從五位下茂智麻呂家貧無  
甌石之儲專接父友深結義兄弘仁十二年春正月除式部少錄  
頃之遷民部少錄十三年除少內記家途清貧更望外吏天長元  
年春正月除安房掾立性清直勤公忘私七年春二月除右少史  
九年春正月轉為左少史十年冬十一月轉為左大史美和元年  
春二月為遣唐使准判官二年春正月叙外從五位下二月兼為  
大膳亮美作權介三年從大使參議正四位下藤原朝臣常嗣乘  
第一船舶上雜事大使委任夏四月更於難波三津濱追叙從五  
位下邈迤屆大唐揚州海龍縣桑田鄉桑梓浦上來朝長安于時  
依無副使被許上殿承和六年歸于本朝秋九月叙從五位上為  
次侍從冬十月除伊勢權介七年春正月叙正五位下所行政事  
頗合民望八月別有勅召為嵯峨院別當俄而除山城守九年夏

守本開  
一有  
善元年  
四字

六月遷為河波守遭嵯峨太上天皇晏駕十年春正月轉除伊勢  
守在任六年政有能名十五年春正月叙從四位下嘉祥三年除  
播磨守冬十一月叙從四位上四年春正月叙正四位下齊衡二  
年二月除右京權大夫三年正月為山城守政用嚴明百姓不擾  
平生令子孫云吾家清貧曾無斗儲至於瞑目之日必從薄葬之  
義卒於官時年六十四○壬寅在加賀國正六位上治田若御子  
神授從五位下伊勢國荒祭月讀瀧原伊雜高宮等神宮內人五  
人始預把笏○癸卯重陽節也 天皇不御南殿命公卿賦詩賜  
祿如常儀雖開宴筵不舉音樂緣早雲不霽秋稼為害也○甲辰  
從五位上藤原朝臣常永為刑部大輔從四位下藤原朝臣良繩  
為勘解由長官右大弁左近衛中將備前權守如故正五位下南  
淵朝臣年名為春宮亮式部大輔如故從四位上基兄王為山城  
守從五位上笠朝臣數道為美濃守○巳酉請名僧八人於書堂



伊豫守  
勢權守

限七ヶ日令修法○庚戌在武藏國正六位上倭文一神授從五位下○辛亥大和國司等言上不堪佃損田據不實下秋官而斷罪從五位下橘朝臣休蔭為侍從紀朝臣好雄為左兵庫頭○己未地震○辛酉從五位上紀朝臣有常為少納言伊豫守如故從四位下藤原朝臣仲統為民部大輔從五位下善世宿祢豐永為伊豆守從四位下藤原朝臣良仁為越前權守從五位下藤原朝臣常行為周防權守藤原朝臣興邦為右衛門佐筑前權守如故中宮少屬正七位上秦忌寸永岑賜大秦公宿祢姓脫山城國占著右京○冬十月乙丑朔親王公卿及侍從已上侍於東釣臺飲宴有勅奏音樂賜祿有差○丙寅在筑前國正四位下勳八等宗像神授正三位○丁卯在筑後國從三位高良玉垂命名神從五位下豐比咩神等充封戶并位田又請僧六十人於冷然院限三ヶ日轉讀大般若經○壬申雨○癸酉地震○丙子召御馬廿五

永河傳  
三字併

友作  
人

匹覽之訖則賜侍永河傳臣等各一匹正四位下因幡權守南淵朝臣永河卒永河右兵衛佐從五位下概本公老之孫散位從四位下坂田朝臣奈豆麻呂第二之子也昔者嵯峨天皇在藩之時與朝野鹿取小野岑守菅原清友等共侍讀書大同元年為少外記踐祚之日遷除民部少丞弘仁四年正月叙從五位下為但馬介八年閏四月拜民部少輔九年二月遷除治部少輔兼為備後守十年正月叙從五位上六月為權左少弁十一年五月為右近衛少將八月為右中弁十二年正月轉為左中弁六月叙正五位下即為治部大輔十四年四月 天皇揖讓之際叙從四位下為內藏頭有勅為冷然院別當俄而兼為越前守同年十二月與兄正五位下弘貞陳父先志賜姓南淵朝臣天長十年正月叙從四位上承和四年春出為備前守其年秋為大宰大貳仁愛為務民庶仰慕十年罷官歸京即拜刑部卿請為播磨守累遷為近江守



從當作

又八作

大表閣  
一有法  
師上三

賴賴一作

未待聞  
恐脫  
陽三  
字  
午一作

十二年正月叙從四位下年登七十致仕乞骸仁壽元年正月朝  
 廷於其國老遙任下野守三年十月轉為因幡權守卒時年八十  
 一○丁丑雷雨○巳卯在常陸國大洗磯前酒列磯前兩神号藥  
 師菩薩名神遠江國言木連理是日有白雲廣四尺許東西竟天  
 ○乙酉右近衛右兵衛右衛門三府并右馬寮等大設宴會貢獻  
 酬去五月六日競馬之負也○丙戌詔法師等曰天皇我詔旨止  
 法師等亦白左倍勅命乎白僧正真濟太表天以為故大僧都空  
 海大法師波真濟可師利昔延曆年中渡海求法三密教門從此  
 發揮諸宗之中功無與二所願波以僧正号將讓于先師者雖知  
 師資其志既而在於朕情未有許容仍今先師乎波大僧正乃官贈  
 賜比治賜不真濟大法師乎波如舊久僧正官亦任賜事乎白左倍  
 詔勅命乎白○丁亥夜有偷女窺入藏殿取服御物即捕獲下檢  
 非違使○戊子陰陽寮持行漏刻鼓自鳴三度○辛卯風雨群臣

奏曰檢非違使奏言犯死罪者二人請誅之詔減死一等處之遠  
 流是日從五位下源朝臣直為中務少輔源朝臣賴為侍從從五  
 位上在原朝臣善洵為治部大輔從五位下田口朝臣統範為左  
 京亮縣連氏益為右京亮外從五位下廣階宿祢貞雄為勘解由  
 次官○癸巳冷然院南大庭大按綠奉幣八幡大菩薩宮使進發  
 也是夜天寒雨雪○十一月甲午朔乙未持行漏刻鼓又自鳴三  
 度與去月戊午恠同○戊戌右京大夫兼加賀守正四位下藤原  
 朝臣衛卒衛贈左大臣從一位內麻呂第十之子也二歲喪母比  
 及五歲問母氏即世之早晚哀慕感人大臣甚奇之立為嫡嗣七  
 歲遊學十八奉文章生試及科時人方之漢朝賈誼頃之拜中判  
 事後遷為大學助弘仁十三年冬十一月叙從五位下十四年春  
 正月為遠江守政貴寬靜百姓欣然天長四年朝廷善其治化授  
 從五位上遷為木工頭六年春正月遷為右少弁七年春正月為



鳥雁作

制數作 制數作 待一作 兵得作 丘作 誣誣作 二當作

式部少輔見有不法必評論之不避貴戚帝甚器之九年春正月授正五位下十年春正月授從四位下承和元年轉為大輔兼為伊豫守七年春正月授從四位上九年春正月遷為大宰大貳上表固讓云臣衛言被尚書召以臣為鎮西大貳劔壁流汗弱水寒心比之於臣彼何足喻臣聞遊榆枋者無培風之勢割鴈鳥者非解牛之宜即知小大之分自定於天資輕重之用甚明於人事者也臣自出身以來適二十餘年雖頻遇昌運頗歷司牧而入莅曹局出製表藤薛彼少事之地尚耻治化於古况方嶽之寄必待邦家之光而不以臣之輕瑣猶令誤此重選思力於內圖任於外如蚊虻之負兵山何年月而期功效富與貴者是人之所以欲也臣何人而辭曜世之榮哉所恐天工之空從明時而始豈願冥叨之誣實人口之中庶暫收咫尺之威熟察方寸之誠帝不聽之乃遂赴任先是所管九國三嶋醫師博士惣府所自任也名實不副天俸有

三一作 五知一 作和

長續作

費因上奏云博士執經授業之職醫師合藥療治之取也雖道自有優劣然事非無緩急何者一夕之命得方則存其生理百年之身失術則墜其天竿彼飛鳥之葦草流香之反魂言於世路是甚急者而今府所任置醫師等未必其人假名居位三藥非共知十療無一驗遂使病門失望豈是皇度本意乎諸至件一色殊依朝選書奏時議容之自此始擢典藥生受業練道者以為彼管內醫師十四年秩滿歸京嘉祥二年春渤海客人朝五月五日皇帝幸武德殿賜宴於賓客有勅擇侍臣之善辭令者以為應對之中使其日賜續命縷佩之使者賓客歎其儀範三年夏六月為彈正大弼王公豪右懼憚之仁壽元年冬十月遷為勘解由長官兼為加賀守齊衡元年春正月授正四位下天安元年夏六月為右京大夫卒于時年五十九○庚子遠江國上言木連理○庚戌在下野國從三位勳四等二荒神充封尸一烟○乙卯帝不御神嘉殿



使官在

所司參會神祇官行祭事儀如常○丙辰不御豐樂院使於冷然院命公卿開宴百寮供張五節舞態尚如向龍顏之時賜祿亦如常○戊午喚大歌及五節舞妓令歌舞訖賜祿有差是日從五位下藤原朝臣忠宗安倍朝臣良行等為大監物大枝朝臣直臣為玄番頭外從五位下水取連柄仁為鼓吹正正五位下高階真人岑緒為大藏權大輔左中弁如故從五位下藤原朝臣三直為安房守○庚申從五位下滋野朝臣善根為河內權守○壬戌晦近江介正五位下紀朝臣今守授從四位下○十二月甲子朔第一皇子准喬親王在御前加元服干時年十四巾櫛等類不敢裝飾大政大臣從一位藤原朝臣良房左大臣從二位源朝臣信應召參入諸近習臣等以次侍宴自餘王臣不在預限宴樂已酣琴歌繁奏既而准喬親王授四品尚侍從三位菅野朝臣人數為尚藏典侍從三位廣井女王從三位當麻真人浦虫為尚侍也○壬申

正六位上紀朝臣本道授從五位下外從五位下陰陽博士滋岳朝臣川人兼為陰陽權助笠朝臣名高兼為權陰陽博士從五位下山田連春城為玄番頭大枝朝臣直臣為諸陵頭從四位下春澄朝臣善繩為右京大夫從五位下紀朝臣本道為勘解由次官從四位下藤原朝臣仲統為加賀守○丁丑主計頭外從五位下有宗宿祢益門授從五位下從四位下紀朝臣今守為近江權守外從五位下道嶋宿祢瀧嶋為介○辛巳請僧五十人於內裏限七日轉讀大般若經是夜雷雨○乙酉夜雷○戊子散位從四位上清原真人有雄卒有雄者天淳中原瀛真人天皇五代之孫也父大監物從五位下貞代王有雄頗有風操尤習政理天長五年式部卿葛原親王推舉為正親佑七年叙從五位下即轉為正承和六年叙從五位上七年遷為越前守九年為玄番頭頃而遷為中務大輔十一年為攝津守政有聲譽黎庶悅服國內安靜倉



叙作

原盈溢嘉祥二年緣治國之功授從四位下三年爲肥後守上奏  
改王号賜清原真人姓仁壽四年叙從四位上卒百姓老少哀慕  
罔極○庚寅從五位下中臣朝臣裨守爲神祇少副大和真人吉  
直爲越前介南淵朝臣弥繼爲加賀權介

日本文德天皇實錄卷第九

日本文德天皇實錄卷第十起天安二年正月盡八月

右大臣正二位臣藤原朝臣基經等奉

勅撰

二年春正月甲午朔 天皇不聽朝賀以陰雪也○戊戌陰陽寮  
漏剋鼓不擊鳴○庚子 天皇不幸豐樂院唯御南殿而觀青馬  
賜宴群臣即如常儀无位忠貞王授從四位下无位住世王從五  
位下從四位下春澄朝臣善繩從四位上正五位下源朝臣興南  
淵朝臣年名並授從四位下從五位上藤原朝臣氏雄橘朝臣清  
蔭並正五位下從五位下百濟王淳仁橘朝臣貞雄藤原朝臣有  
貞大和真人吉直藤原朝臣基經等並從五位上正六位上源朝  
臣雙坂上大宿禰高道良岑朝臣經也紀朝臣恒身文室真人高  
岑橘朝臣朝雄藤原朝臣廣守藤原朝臣春江藤原朝臣大野都  
努朝臣清貞等並從五位下正六位上興道宿禰名繼讚岐朝臣  
當世上毛野朝臣永世等並外從五位下○辛丑紀朝臣靜子授



正五位下安倍朝臣永子從五位上藤原朝臣丹生子同禹能子  
同同子池田朝臣宅繼子甘南備真人清子等從五位下大和繼  
子外從五位下○巳酉四品准喬親王為大宰輔參議從四位上  
源朝臣多為信濃守左兵衛督如故外從五位下家原宿祢繩雄  
為主稅頭從五位下飯高朝臣永雄為大藏少輔滋野朝臣善根  
為河內守從四位下菅原朝臣是善為伊勢守文章博士如故從  
五位上良岑朝臣長松為武藏守從五位下橘朝臣寂雄為安房  
守從五位上良岑朝臣清風為美濃介左近衛少將如故從五位  
下田口朝臣統範為信濃權介從四位下豐江王為下野守從五  
位下坂上大宿祢高道為陸奧介藤原朝臣備雄為越後守從四  
位上清原真人岑成為因幡守大藏卿如故從五位下賀茂朝臣  
第岑為出雲守從五位上清原真人利見為石見守從五位下大  
中臣朝臣真主為美作介菅原朝臣繼門為備前權介從五位上

百濟王安宗為安藝守從五位下藤原朝臣二直為介在原朝臣  
善淵為紀伊守藤原朝臣春江為阿波介從四位下藤原朝臣良  
繩為讚岐守左大弁左近衛中將勘解由長官如故從五位下紀  
朝臣本道為伊豫權介從五位下橘朝臣三夏為大宰少貳正五  
位下藤原朝臣興邦為筑後守內藏權頭左衛門佐如故從五位  
下藤原朝臣正岑為肥後介從五位下藤原朝臣秀道為左兵衛  
佐○庚戌停觀大射命公卿於豐樂殿下令諸衛府次射之○辛  
亥亦停賭射○壬子參河國上言木連理○乙卯新成殿內宴如  
常○丙辰從五位下橘朝臣良枝為內匠助丹墀真人貞岑為民  
部少輔菅野朝臣繼門為備前介○丁巳散位從五位上文室朝  
臣海田麻呂卒海田麻呂者大納言從二位智奴王之孫從四位  
下勳三等大原之第五子也弘仁中人仕授書殿俄而為常陸大  
掾後為主水正天長始遷為左馬大允頻遷為民部大丞八年正



月叙從五位下為紀伊守更遷為伊豫介遷為彈正少弼承和三年叙從五位上後為石見守卒時年六十九○庚申常住寺西南別院火○辛酉暴風大雨○壬戌前長門守從五位下真貞王第正六位上清貞王等賜清原真人姓○二月甲子朔戊辰從五位下正岑王為少納言從四位下在原朝臣行平為中務大輔從五位下都努朝臣清貞為大監物正五位下藤原朝臣氏雄為治部大輔從四位下藤原朝臣良仁為兵部大輔從五位下安倍朝臣良行為刑部少輔外從五位下讚岐朝臣當世為大判事正五位下高階真人岑緒為大藏大輔左中弁如故從五位下橘朝臣貞雄為宮內大輔從五位上清原真人利見為大膳大夫從五位下紀朝臣春枝為木工頭左衛門權佐如故從五位下有宗宿祢益門為助主計頭平博士如故文室朝臣墾田麻呂為正親正大神朝臣宗雄為彈正大弼外從五位下御輔朝臣永道為勘解由次

官從五位上藤原朝臣有貞為伊豫權介從五位上物部朝臣廣泉為參河權介內藤正侍醫如故從四位下房世王為武藏權守從五位上大和真人吉直為權介外從五位下廣階宿祢貞雄為美濃介從五位下良岑朝臣經也為越前介從五位上良岑朝臣清風為播磨權介左近衛少將如故從五位下坂上大宿祢當道為備前介左近衛少將如故從五位上紀朝臣有常為肥後權守從五位上藤原朝臣有貞為右近衛少將伊豫權介如故從五位下紀朝臣恒身為右衛門權佐從五位上坂上大宿祢貞守為左馬頭從五位下坂上大宿祢瀧守為助佐伯宿祢雄勝為右馬頭○辛未公卿上奏曰謹檢往事後太上皇德宗謙光不存國忌而獨留皇后之忌也勤之禮經義乖相配伏請一准舊典式從停廢謹錄事狀伏聽 天裁制曰可○壬申越後國上言木連理○癸酉 天皇別召四衛府射手等令賭射之前日廢觀今日更射



日暮陰雨入夜風雪 甲戌大雪○戊寅修仁王會百高座○己卯在周防國正六位上仁壁神授從五位下○庚辰請僧五十七人於令然院南殿限三箇日轉讀大般若經是日在筑後國高良王垂神社火○乙酉遣左近衛少將從五位下坂上大宿祢當道右近衛少將從五位上藤原朝臣有貞等卒左右馬寮官人并近衛搜捕京中群盜○丙戌在伊勢國正六位上葭原神預官社○巳丑在河內國從五位下伯太彥伯太姬神並預官社○辛如從五位上安倍朝臣貞行為右中弁豐階真人安人為大學頭從五位下清原真人道雄為兵部少輔從五位下山田連春城為左京亮正五位下藤原朝臣氏雄為大和守從五位下大和真人吉直為常陸權介紀朝臣本道為筑前權守○閏二月癸巳朔從五位下橘朝臣家雄為石見守○乙巳雨雪正六位上藤原朝臣有蔭授從五位下從五位上藤原朝臣本雄為治部大輔從五位下橘

朝臣岑雄為左京權亮巨勢朝臣河守為右京權亮從五位下藤原朝臣有蔭為肥前守○壬子從五位下家原宿祢氏主為玄番頭竿博士如故藤原朝臣興邦為春宮太進右衛門佐筑前守如故藤原朝臣廣基為右馬助是日雨下通宵不止○甲寅前越後守從五位上伴宿祢龍男被告殺下獄○丙辰肥後國言菊池城院兵庫鼓自鳴○丁巳又鳴○戊午在筑前國正四位下勲八等田心姬神湍津姬神市杵嶋姬神並授正三位○庚申對馬嶋百姓殺守正七位下立野連正岑並燒官舍民宅者下刑官而鞠讞其罪也○二月壬戌朔丙寅雷雨囚獄司正正六位上飯高朝臣氏文少令史從六位下中臣習宜朝臣弘門等下刑官而斷其罪也○丁卯請僧卅二人於內裏轉讀大般若經○巳巳式部少丞伴宿祢春宗授從五位下外從五位下占部宿祢葉基為神祇權大祐從五位下伴宿祢中庸為侍從源朝臣頴為宮內少輔從



五位上藤原朝臣貞敏為掃部頭從五位下淡海朝臣豐庭為河  
內權守藤原朝臣大瀧為陸奥權介從四位下房世王為越中權  
守從五位下伴宿祢春宗為出雲守○癸酉宣命曰天皇恐見恐  
見掛畏支深草山陵亦奏賜止奏久頃年恠異屢其由卜求  
掛畏岐山陵乃御在所乃近地求汚穢事觸行已不止之所致  
止卜申利世因茲參議左大辨從四位上藤原朝臣氏宗右大弁從  
四位下藤原朝臣良繩等平差使天奉出須此狀平且聞食天無  
咎崇志賜波倍良使等乃申亦隨天汚穢事可令札潔支狀乎恐見  
恐見毛奏○甲戌公卿上奏曰謹勸禮經天子七廟舍故而諱新絲  
是言之五月四日贈皇太后國忌宗親理盡昭穆踈遠禮典所宜  
須從省除謹錄事狀伏聽天裁制曰可在周防國一役神預官  
社從五位上安倍朝臣貞行為刑部大輔從五位下藤原朝臣備  
雄為少輔安倍朝臣良行為大藏權少輔藤原朝臣興邦為春宮

亮右衛門佐如故從五位上藤原朝臣常永為尾張權守清原真  
人利見為越後守○乙亥丹波守從五位上文室朝臣助雄卒助  
雄者中納言從三位直世主之第二子也字王明少遊大學略涉  
經史未及成名出就官途承和元年正月叙從五位下十二年八  
月為齊宮頭十四年二月為大藏少輔四月為左少弁嘉祥三年  
四月叙從五位上為遠江守仁壽三年正月為丹波守卒時年五  
十二○丙子有勅令相模介從五位下滋野朝臣安成講老莊於  
侍從所令文章生學生等五人預聽之是日召會諸司諸別所能  
書之於常寧殿初令寫般若波羅密多理趣經百卷于時皇子源  
每有時有於殿上落髮入道此夜有灌頂之事二人者皇子之得  
治氏時有母清原氏○庚辰從五位下丹墀真人貞岑為左少弁從五位下  
山田連春城為大學助從五位下淡海真人弘岑為民部少輔從  
五位上豐階真人安人為東官學士大學頭美濃權介如故大枝



朝臣音人為丹波守○癸未在河內國天夷鳥命神授從五位下  
 ○甲申地震○乙酉從五位下佐伯宿禰雄勝卒雄勝者從五位  
 上勳五等大野之子也仁明天皇在東宮之時殊所親愛踐祚之  
 日頻歷數官美和十五年正月叙從五位下天安元年五月為右  
 近衛少將六月兼為但馬權介後遷為右馬頭近江權介卒時年  
 卅三從四位下南淵朝臣年名為右京大夫式部大輔春宮亮如  
 故從五位上坂上大宿禰貞守為丹波守從五位下坂上大宿禰  
 瀧守為伯耆介從四位上正行王為美作權守彈正大弼如故○  
 己丑在大和國從五位下波寶神波比賣神並預官社是日無雲  
 而雷○辛卯晦雨請僧百人相分七十人在內裏三十人在八省  
 院三日間轉讀大般若經○夏四月壬辰朔日在蝕之○癸巳從  
 五位下源朝臣舒為雅樂頭從五位下在原朝臣守平為大膳大  
 夫從四位下在原朝臣行平為左馬頭先是刑部大丞正六位上

石川朝臣宗主大錄正七位上難波連清宗等詐稱官宣作省府  
 放免罪人佐伯官人等是日下兩人於刑官鞠定其罪也○丁酉  
 伊勢太神宮祢宜正八位下神主河繼授外從五位下天陰雷雨  
 夜雨雷大如其碁石須臾而止通夜快雨○戊戌充越前國氣比神  
 宮寺稻一萬束為造佛像之料○庚子天晴今日壬辰至于己亥  
 連雨今日初霽是夜寶皇寺火俗名鳥尸寺金堂礼堂盡為灰燼○辛  
 丑於冷泉院南路大板為遣諸名神社奉幣帛之使是日宮主外  
 從五位下占部宿禰雄貞卒雄貞者龜筮之倫也兄第尤長此術  
 帝在東宮時為宮主踐祚之月為大宮主齊衡二年正  
 月叙外從五位下雄貞本姓卜部齊衡三年改姓占部宿禰勝嗜  
 飲酒遂沉湎卒時年卅八○壬寅終日雨空中有聲如雷一度安  
 藝國言上守從五位上百濟王安宗卒是日遣從四位下右近衛  
 中將源朝臣興散位時宗王從四位上伊豫守春澄朝臣善繩從



五位下右馬助藤原朝臣廣基陰陽頭從五位上藤原朝臣三藤  
散位從五位下源朝臣雙從四位下忠貞王侍從輔世王民部大  
輔藤原朝臣仲統雅樂頭從五位下源朝臣舒縫殿頭伴宿祢須  
賀雄散位從四位下棟貞主從五位下源朝臣包從四位上越中  
守源朝臣啓從五位下源朝臣同高橋朝臣淨野等於諸大神社  
宣命曰天皇詔旨止恐義恐義申給倍申久御心亦有所念行  
依天差使天宇豆乃大幣帛平令捧持天奉出須此狀平聞  
食天安幣乃足幣止受賜天天皇平寶位無動久常幣亦堅幣亦  
護賜比助賜比思食須御志平如御意亦果之幸倍賜比天下平  
安亦護給比矜給止恐義恐義申給止波之申○丙午置下野國大  
少祿各一負先是國上請地勢曠遠人居縣隔巡檢部內官負數  
少仍許之是夜月蝕○丁未尾張國言上守從五位上藤原朝臣  
宗善卒宗善大納言正三位真楯之曾孫山城守從五位上承貞

第四子也天長十年三月叙從五位下兼和四年為長門守十一  
年為美作介仁壽二年二月為左衛門權佐齊衡二年正月叙從  
五位上為尾張守卒於任時年六十四○戊申在大和國從五位  
上高屋安倍神授從四位下○庚戌從五位下藤原朝臣家宗為  
造東大寺大佛長官○癸丑在大和國從五位下波寶神波比賣  
神並授從四位下○甲寅地震○乙卯夜大舍人察火追儼方相  
氏裝束一時滅却○丙辰雷雨○夏五月辛酉朔壬戌常陸國筑  
波山神二柱授四位○癸亥陰陽寮章漏刻博士等於侍從殿始  
置漏水乳院外漏刻之誤但無金鼓○乙丑停騎射走馬之觀不  
宰武德殿○戊辰有勅公卿於武德殿馬場令扇走左右馬寮御  
馬各十疋令左右近衛各十六人左右兵衛各三人春官坊帶刀  
舍人三人而騎射○辛未從四位上清原真人胤雄為中務大輔  
從五位下藤原朝臣忠宗為少輔源朝臣直為兵部少輔源朝臣



穎爲刑部少輔高橋朝臣淨野爲宮內少輔飯高朝臣永雄爲尾  
張守清原真人清海爲駿河守清原真人秋雄爲豐前守是日八  
幡比咩神授一品侍從殿漏刻從停止○甲戌雨終夜不止先是  
高良玉垂神及比咩神等正殿遇失火位記皆被燒損仍今日勘  
舊文案更令書之玉垂神本位從三位今授正三位比咩神本位  
從五位下今授從四位下又同神殊授封卅七戶○乙亥陰雨不  
止洪水汎溢東西兩河人馬不通是日宮內卿從三位高枝王薨  
高枝四品中務卿伊豫親王第二子也爲人寬弘頗習文書大同  
初親王遭害三子遠配辛苦流離不知生計弘仁改曆 聖皇踐  
祚哀親王無辜諸子窮毒殊降恩赦免罪入京返給前年被沒資  
財田宅高枝與兄弟相議均分男女時人悲歎之天長三年正月  
叙從四位下爲因幡守承和七年十月爲大舍人頭嘉祥二年正  
月叙正四位下仁壽四年正月叙從三位八月除大藏卿天安元

年拜宮內卿高枝學沙門空海之書迹習沙良真熊之琴調未得  
其一道遂至終身時五十七不蓄賤產遺令薄葬○已卯近江國  
夷外從八位下介散南公澤成爲夷長令把笏先是國上請倅夷  
之徒老少無別放縱爲事暴乱任意不知教諭無人統攝往年國  
司等擇勇健者私置其長而夷等不服猶行狼戾望請置件澤成  
即預把笏仍許之○庚辰雨下如注通宵不止○辛巳大雨正五  
位下高階真人岑緒爲左京大夫左中弁大藏大輔如故從而位  
下南洲朝臣年名爲春宮權亮右京大夫式部大輔如故從五位  
下坂上大宿祢瀧守爲駿河介從四位下管原朝臣是善爲備前  
權守從五位下坂上大宿祢當道爲左近衛少將如故○壬午  
大雨洪水汎溢河流盛溢水勢滔之平地浩之橋梁斷絕道路成  
川東堀川水入冷然院庭中如池左衛門陣直廬浮流公卿諸司  
百寮各率袴下或草屨或徒跣競趣水畔堀決禦流池魚浮蕩頽



尾甚多亦左右京被水害流死者衆矣○甲申霖雨初止天景新晴○丙戌地震無雲而雷○丁亥夜有流星入天長一丈許遣勅使令巡檢兩京洪水之害于時散位從五位上藤原朝臣宗成卒宗成參議從三位兵部卿家依之孫從五位下二起之長男宗成素無才學頗近邪佞大同二年連及伊豫親王事久弃于世時人以爲事孽此人右大臣清原真人夏野微時曾爲昵友遭大臣用事天長六年正月叙從五位下九年正月叙從五位上家貧窮困日夕不給而卒時年七十四○戊子無雲而雷遲明有日入月魄中○己丑出穀倉院穀二千斛民部廩院米五百斛大膳職塩升五斛賑給左右京苦霖之窮民是日於南大庭大祓○六月庚寅朔辛卯陸奧權介從五位下藤原朝臣大瀧卒大瀧從四位下今川之孫正六位上清名之長男也少遊大學爲文章生承和十五年爲民部少丞齊衡三年正月叙從五位下爲武藏介爲刑部少

輔天安元年爲大學頭遷爲宮內少輔天安二年三月遷爲陸奧權介不之任卒時年五十六○壬辰雷雨此夜左近衛大宅年麻呂於北野見之當稻荷神社空中有兩雞相鬪其色似赤相鬪之間毛羽散落地雖相鬪見似眼前良久而止此語類妖妄而記臆也○甲午雷雨○丙申和泉國言霹靂破官舍六十餘宇民室屋卅宇被震死者二人傷支體者三人拔折十圍木十九株殘廢田苗廿許町○己亥夜有如流星者經天西落大如月光青赤其後西方空中有聲如雷二度○庚子早且有白雲自良且坤時人謂之旗雲○壬寅地震○癸卯參議從四位上源朝臣多爲伊勢守左兵衛督如故從五位下坂上大宿祢岑雄爲侍從大神朝臣宗雄爲大監物都努朝臣清貞爲大藏少輔朝原宿祢良道爲左京亮藤原朝臣且爲勘解由次官當麻真人真道爲大和介紀朝臣全吉爲美濃權介右近衛少將主殿頭如故從五位上大和真人



吉直爲安藝守從五位下山口伊美吉西成爲紀伊介橘朝臣岑  
雄爲豐後守○甲辰參河國言守從五位下安倍朝臣氏王卒氏  
主父散位正六位上友上少爲遊俠交友博徒氏主頗善騎射輕  
捷如飛夜追捕偷兒還爲傷胸明日尋逐捕賊山真山仁明天皇  
在東宮徵爲帶刀舍人兼和十一年二月叙從五位下爲遠江守  
被官使勘責解却仁壽三年正月爲參河守秩滿後天安元年更  
復參河守卒時年六十五○丁未雷雨近來陽旱炎氣成災是日  
加雨水頗溢○已酉從五位下安倍朝臣良行爲參河守大宰  
府言去月一日時大風暴雨官舍悉破青苗朽失九國二嶋盡被  
傷又肥後國菊池城院兵庫鼓自鳴同城不動倉十一宇火大學  
助從五位下山田連春城卒春城字連城右京人也曾祖白金爲  
明法博士律令之義無所不通後言法律者皆咸資准的春城年  
十五入學依宋成人於堂後聽講音書後嗟峨太上天皇欲令皇

子源朝臣明成大業而求大學生志學者將爲同學時春城應徵  
與明同房閱覽諸子百家遙授丹波權守博士爲勉學之資俄而  
太上天皇崩春城失塗悲歎仁明皇帝欲令春城遂本業詔侍  
校書殿賜閱御書內藏寮曰給其食即遙授備後權少日明年春  
遷備中權少日承和十二年夏對策下科明年春拜少外記備中  
權少日如故帝踐祚仁壽元年大嘗會授外從五位下二年正月  
遙爲駿河介三年春三月自請之任傍吏百姓嫌其清察時部下  
駿河郡有自伊豆新移神名阿氣大神國中官建新社以祭祀  
而祓宜祝等增以奇異之事註誤國司庶人春城到任登時亭許  
糺其訛僞自此以後妖言永絕歲時祭祀而已傍吏諸人服其聰  
察其年秋奉使入京明年春正月四日諸儒改判對策云尺木寸  
玉非無瑕節況於大才古人猶泥仍置一第齊衡三年正月七日  
授從五位下拜勘解由次官同年十二月遷玄蕃頭天安二年二



月寢疾病中遷任左京亮即拜大學助左京助如故京職念劇病不理事因罷左京亮以大學助卒時年卅九春城雖長自寒門而性甚寬裕言詞正直無所阿枉無好小藝不拘忌崇頗得儒骨也○庚戌遲明濁霧濛濛之無雲而雷大風○秋七月庚申朔甲子從四位上源朝臣勤為宮內卿外從五位下御船宿祢佐世為大學助從五位下清原真人真貞為內膳正平朝臣實雄為彈正少弼是日武藏國上白鷗雉一○己巳正四位下彈正大弼兼美作守正行王卒正行王者贈一品萬多親王第二子也初與兄正躬王受業大學初 太上天皇有詔徵之命直隸院十年三月授從四位下為侍從時年十八 天皇甚寵遇之美和五年兼越中守九年遷為左馬頭十三年叙從四位上轉為左京大夫仁壽元年除加賀守齊衡二年為彈正大弼天安二年兼為美作守其卒於官正行性耽文酒日夕無怠鷹馬之類受寵殊甚○辛未宣命

雨師乙訓水主貴布祢神等為祈雨也入夜天陰小雨○甲戌小雨良久而止入夜亦雨○丙子 陰微雨通宵不止是日神祇權大祐外從五位下占部宿祢平麻呂兼為宮主○戊寅雷雨○庚辰左右相模司率樂人於新成殿前盛奏亂聲即便左右相模○甲申小雨○丙戌大雨白鷺集太政官廳版位間記異也○丁亥陰霧○八月己丑朔早且陰霧須臾天晴是日右勅親王公卿及侍從令陪於東釣臺飲宴左近衛府間奏音樂酣暢之後或起愉儻賜祿有差○壬辰若狹國言兵庫鳴如振鈴○丙申勅賜二品賀陽親王帶劔○丁未右大臣從二位藤原朝臣良相侍言議於帳中良久賜御衣罷出是日釋奠殊有勅令大學助外從五位下御船宿祢佐世為座主在山城國從五位上鴨川合神顏名神是夜有雲竟天自良至坤人謂之旗雲○戊戌內供奉十禪師傳燈大法師位光定卒光定俗姓贄氏伊豫國風早郡人也及至弱冠



遭父母喪服闋離俗隱居山林天同初向京輦于時有聞叡山寂  
澄大師心持慈悲傳止觀宗三年攀陟位止觀院值徒眾屈義真  
和尚以為座主令講摩訶止觀幸得預聽寂澄大師相悲慰勞五  
年春正月十四日宮中齊會蒙制得度天台之度者從此為盪觴  
弘仁三年夏四月十八日東大寺戒壇受授具足戒其後敬問大  
師學習宗義五年至興福寺與義延法師共論大本宗義頗優美  
之稱帝屢令光定與散位從五位下真苑宿祿雜物對論經義彼  
此相難頗致俳優帝時以為戲弄之事初寂澄上建大乘戒壇之  
奏僧綱相共難論仍付光定返却十三年六月四日寂澄卒後殊  
被許傳戒此光定內供奉之力也帝聞光定在山資用絕乏別賜  
乞食袋濟山中之急美和五年四月二日叙傳灯大法師位四年  
奉制起四王院天安二年秋七月帝聞年滿八十恩賞殊異施度  
者八人縑八十足調布商布交易布各八十段綿八十斤錢八万

貫米八十石病卒時年八十臘卅七光定為人質直不事服餽帝  
悅其質素殊加麟遇○庚戌真言宗始准諸宗補任諸國講讀師  
○辛亥今宵 天皇倉卒有不豫之事近侍男女騷動失精○壬  
子 帝病劇弥加言語不通皇太子侍於葺藥公卿大夫侯于陳  
頭入夜召文章博士從四位下菅原朝臣是善令草詔書天政大  
臣從一位藤原朝臣良房奉勅召左右檢非違使除常赦所不免  
之外大辟已下罪人咸從赦免雖事觸強竊而非分明者同從赦  
例是夜歲星守率牛○癸丑親王公卿候東釣臺有護夜之事○  
甲寅詔皇天無親惟德是輔人心有隣惟惠是懷朕以寡薄忝臨  
太階豈將巖廊為逸恒以億兆為念而人洗裕薄誠淺偽深故知  
方者甚趣辟者繁不能以仁義浸瀆禮讓甄陶秋典日聞於惟握  
弊罪相孫干園室觸綱履授既可矜傷宥過崇恩弥切心慮宜給  
此愷澤暢彼毗贊可大赦天下天安二年八月廿六日昧爽以前



大辟已下罪無輕重已發覺未發覺已結正未結正繫囚見徒咸  
從免除但八虐故殺謀殺強竊二盜私鑄錢常赦所不免者不在  
赦限布告遐迩俾知朕意是日薦藥無驗騷動殊切諸公卿待殿  
上行事屈名僧五十人於冷然院令讀大般若經限以五ヶ月入  
夜遣諸國固關使賜勅符木契即遣勅使於左右兵庫左右馬寮  
令衛固甚嚴○乙卯 帝崩新成殿左右近衛少將<sup>幸</sup>近衛等陣  
於東宮直曹<sup>印</sup>西方大納言安倍朝臣安仁<sup>幸</sup>少納言近衛少將主  
鈴等令資<sup>印</sup>壘<sup>印</sup>積<sup>印</sup>等奉入直曹公卿於藏人所議御葬事○丁巳  
大納言安倍朝臣安仁於左近衛陣仰左右近衛左右兵衛令著  
鎧甲皇太子與皇后同輦<sup>幸</sup>移於東宮儀同行幸但無警蹕○庚  
申大納言安倍朝臣安仁<sup>幸</sup>陰陽權助滋岳朝臣川人助笠朝臣  
名高等至山城國葛野郡田邑鄉真原岳點定山陵○辛酉夜月  
蝕○壬戌始著素服○甲子夜葬大行 皇帝於田邑山陵殯葬

之礼一如仁明天皇故事但有方相氏 帝初自登宸極垂心政  
事性甚明察能知入奸專思天下昇平之化不好巡幸遊覽之事  
仁壽齊衡之間頻得嘉瑞以薦陵廟至于禁網漸密憲法頗峻天  
下以爲明 帝察<sup>々</sup>官署屢聞補替遷除之事吏人還懷廢罷解  
散之憂又聖體羸病頻廢<sup>々</sup>機撫運不長在位已短天之降命盖  
有數歟于時春秋世有二



明治十六年四月十一日出版御届  
同年同月出版

参考并出版人

東京銀座坐敷丁目十二番地

神奈川県平民

岸田吟香

全

全 麴町四丁目十三番地

東京府平民

磯部太郎兵衛

全

全 神田五軒町五番地

愛知県平民

林安之助

發兌人

大阪本町四丁目書林

赤志忠七

印行所

東京神田五軒町八番地

石版銅版本版諸林券書籍類印刷所

精成會社



149  
合20  
9



